

四庫全書

子部

欽定四庫全書

子部

翰苑新書前集卷二十六至二十九

詳校官中書_臣康綸鈞

主事_臣祁韻士覆勘

總校官知縣_臣楊懋珩

校對官中書_臣汪學金

謄錄舉人_臣陳煜

欽定四庫全書

翰苑新書前集卷二十六

將作監

將作監

歷代將作少府秦官掌治宮室漢景帝中六年更名將作大匠前百官表光武中元二年省以

謁者領之章帝建初元年復置初以任隗為之掌修作宗廟路寢宮雉陵園木土之功魏晉因之江左至宋齊

皆有事則置無事則省梁改將作大匠為大匠卿是為秋卿北齊有將作寺其官曰大匠後周有匠師中大夫

掌宮室城郭之制又有司木中大夫掌木工之政令隋改寺為監大匠為大監初加置副監煬帝改為大令唐

復為匠龍朔改為繕工監咸亨復光宅改為營繕監神龍復天寶中改大匠為大監掌土木工匠之政通典六

典唐職林本朝國初判監事一人以朝官以上充凡土木工匠之政隸三司修造案本監但掌祠祀供省牲牌鎮石炷香盥手焚版幣之事續會要熙寧初以嘉慶院為監上重其任使統修造之政會要四年以范子奇判監向宗儒同判元豐乃正名焉職畧掌土木工匠之事凡出納籍帳歲受而會之上工部分案五設吏二十有七總局九宮城繕完則歸修內司辨其工作因能任事則歸東西八作司乘時儲積以待給用則歸竹木務窰務丹粉所麥麴場前期撲斷以應緩急則歸事材場斂其餘材無所遺棄則歸退材場續會要中興以來將作少府未置監建炎三年始併歸工部紹興三年復置將作監少府事總焉中興會要

列代事實秋卿

大令

大匠

並見官制

總判

通典神龍元年復名將作

監大匠一

總三監

唐六典大匠之職掌供邦國修建土木工匠之政令總四署三監百工之人總判

官屬以供其職
事少匠貳焉

省費億萬

華裔後漢應謹字仲華為將作大匠發摘衆姦皆極其刑

豪猾之吏屏迹視
事五年省費億萬

割損浮費

見羣書精語類

數有損節

尹思貞為將作

大匠僕射竇懷貞護作金仙玉真觀廣調工匠思貞數有損節懷貞讓之答曰公輔臣也不能宣贊正化而土

木是興以媚上害下又聽小人譖以廷辱士今不可事公矣乃拂衣去

為后世利

姜師度為將作

大匠師度喜渠漕所至徭役紛紜不能皆便然所就必為后世利是時太史令傅孝忠以知星顯時為語曰孝

忠知仰天師度知相地

責輔臣興土木

見數有損節注

推賢貢士

通典注續漢書

李固字子堅遷大匠常推賢貢士

疏省宮人

魏志楊阜字義山為將作大匠明帝時初治宮室發

美女充後庭阜上疏欲省宮人諸不見章者乃召御府吏問後宮人數吏守舊令對曰禁密不得宣露阜怒杖

吏一百數之曰國家不與九卿為密乎帝聞愈敬憚勤苦賜秩馬延年為將作大匠成帝以勤苦賜

秩中二勤濟厚賞唐書姜行本為將作大匠太宗修九

厚營創賜侯何法盛晉春秋王彬字世儒為大匠以賜營創勤勞賜關內侯遷尚書左僕射

予良厚閭立德從太宗征遼淖不可太守召為劉寵拜

守徵為將作大匠有老叟五六人持一百錢送寵寵為人廉受一文大錢

皇朝事實統修造之政掌土木之事並見掌城壁舟

車國朝將作監掌城壁宮室橋

自叙虛費功力竇璡字之推為將作大匠修葺洛陽宮璡於宮中鑿池起山崇飾彫麗虛費功

力太宗怒
遽令毀之

羣書旁引垂共工

舜典帝曰咨垂汝共工

太宰飭化八材

周禮天官太宰

以九職任萬民五曰百工飭化八材

吏稱職民安業

前宣帝紀技巧工匠自元成間鮮能及之

亦足以知吏稱其職民安其業也

羣書精語工無虛張之繕

鄧豹字伯遲遷大匠工無虛張之繕徒無饑寒之色除

藻飾之無用割有損之浮費

汝南先賢傳應謹遷大匠發摘姦伏除藻飾之無用

割有損之浮費所省息十億餘萬

牆以禦風宇以蔽日

前揚雄將作大匠箴曰開閉將

作經構宮室牆以禦風宇以蔽日寒暑收除傷鼠攸去主有宮殿民有宅居昔在帝王茅茨土階夏卑宮室在

池彼溝

前賢詩詞柱榱榑櫨相支持

漢武帝柏梁詩將作大匠云柱榱榑櫨相支持

將作少監

後周有少匠下大夫隋將作置副監一人煬帝改為少監又改少匠又更少令唐武德以

為少匠龍朔中為繕工少監咸亨中為營繕少監復故唐職林本朝熙寧四年將作監置同判元豐中為少監續會要元祐官品令少監從六品分紀建炎中併歸工部紹興三年詔復置少監中興會要

歷代事實少匠

少令

並官制

掌工匠之事

唐百官志監一負少監二

人掌土木工匠之事總左校右校中校甄官等署百工等監凡治宮廟太常擇日以上聞其事營繕詔

而後行

姜確字行本貞觀中為將作少匠護作九成洛陽宮有巧思凡朝之營繕所司必諮而後行魏

徵恐寢啓後
端勸帝斥之

羣書精語來貳繕工

初寮除侯益總尚方工巧
曲阜除韓純彥

制尚方工巧之物置監總之輟爾郎曹往服少事

少匠之職

初寮除賈謹制少匠之職實司營繕

自叙忠言嘉謨不聞

楊務廉為少監以工巧進宰相袁恕已恐啓侈麗之漸言於中宗曰

務廉位九卿忠言嘉謨不聞而專聞營構以媚上不斥之無以昭德乃授陵州刺史

將作監丞

漢將作有丞二人後漢一人魏晉因之東晉宋齊有事則置無事則罷梁天監七年置大

匠丞一人陳因之隋將作丞二人唐四人六典本朝熙寧四年以宋靖國知將作監丞續會要元豐正名除吳

處厚
職畧

歷代事實掌判監事

六典掌判監事凡內外繕造百司供給大事則聽制勅小事則俟省

符以誥大匠而下
於署監以供其職

皇朝事實大匠之屬

曲阜除余中制大上疏論免夫錢

胡澹庵集李大有字仲謙除將作監丞營繕不奢忤用
事者意奪一官上察其不阿詔勿奪西北用兵國力大
屈朝廷置司講議以漁利又詔天下計稅輸
免夫錢違以重典論百姓騷然公極言不可

將作簿監

晉將作置主簿負江左有事則置無事則省
梁天監七年復置將作主簿隋二人唐因之

六典本朝熙寧四年初以殿中丞楊曾知將作
主簿公事續會要元豐正名初除孫覺職畧

歷代事實勾檢稽失

唐六典將作監主簿掌印勾檢稽
失官吏之申請糧料俸食差遣假

使必由之以發其事若諸司之應供四署三監之財物器用違闕隨而舉焉

羣公精語往祇匠屬

胡文恭行將作監簿制

試秩匠負

胡文恭行王駸制

升聯匠寺

公是行楊中正制

初勾匠稽

胡文恭行張繼制

勾匠屬之稽

胡文恭行裴士傑制

俾勾稽於匠屬

胡文恭行吳承規制

匠簿是升

胡文恭行祁咸

制亨

四六警語

匠監繕監

考試工能

疏榮鳳詔晉長雉工

龍光疏渥雉監寧華

天光煥發匠監輝榮光奉宸綸

發端

職重繕工任居大匠

掌領百工用熙庶績

顯拜龍恩晉丞雉監

顯膺天詔進陟秩卿

起聯

勤梓材之樸斲之技能庸資董正

冕旒方樂於儉勤苑囿不聞於增益

飭五材而備用益壯宸居

官分五雉事考百工

若百工而惟時協成聖治

警聯

技巧咸精贊漢家綜核之政

清簡繕工之職養儲大用之才

九卿分統漢朝任土木之官

結聯

董官室舟車之制暫假修能

負棟梁柱石之材佇觀大用

軍器監

軍器監

後周武帝四年初置軍器監隋百官志隋少府有甲鎧署唐武德初有武器監一人少監

一人掌兵仗廐牧開元以前軍器皆出右尚署三年分少府甲鎧弓弩置軍器監唐百官志後唐職林少監掌繕造甲弩之屬辨其名物審其制度以時納於武庫少監為之貳六典本朝國初軍器領於三司胄案官無專職熙寧六年廢胄案乃案唐令置監擇侍從官總判元豐正名分案五設吏十有三總局五續會要掌繕治兵械什物之事凡製器以法式授衆工其弓矢干戈甲冑諸戰守之具則因其能而分任之量用給財旬會其數以考其程課而輸於受藏之府若知規創裁制工作之利者聽其自言以類參驗令殿前馬步司覆案可否以聞職官志建炎併歸工部紹興復置長貳一員中興會要

歷代事實武庫

見官制

掌繕甲弩

唐武德十年置北都軍器監掌繕弓弩以時輸

武庫總署二一日 **掌兵仗** 唐武德初武器監一人掌兵仗廐牧課工

徒職林唐武德中武器監開元已前軍器皆出右尚署

徒衆寡之役 **邊備脩舉** 韋漆遠太原尹兼北

皆督課焉 **皇朝事實澹然無求** 中興繫年錄陳魯公康伯謚文正

朝路澹然無求 **訓工程作** 南豐擬制繕治戎械訓工

常稱其靖重馬 **甲兵之備** 曲阜行李士京制至治之

隆 **繕治戎械** 見工 **典茲戎器** 初察除鄧之綱制神考稽

備豈易忽也訓工 **巧朕承先志中嚴制作惟是邦之戎** **軍器付式** 熙寧三

器藏於武庫爾與茲監事俾長厥屬

器監以兩制二人領焉遺著作佐郎朱伯虎等齋精利
軍器付逐州為式製造六年以呂惠卿曾考寬充判監

制度皆著為式**制度著式**唐史神宗留意於軍器設監命侍臣
董之前後講究制度無不精緻卒著

為式合一百一十卷蓋所謂辨材一卷軍器七十四卷
什物二十一卷雜物四卷添脩及造弓弩式一十卷也

以兩制領見軍器付式注**玉音上卷**周益公集蕭正肅燧權司
封進擬軍器監玉音以為

允諸公益知上卷**製尅敵弓**言行錄韓世忠獻製尅敵弓詔
工部下軍器監選良工製之

羣公精語欄錡分司唐張鷟云欄錡分司武庫是藏兵
之處注曰受兵曰欄受甲曰錡

鶴膝含霜犀渠奪日同上森森羽衛鶴膝皎而含霜凜
凜旌麾犀渠光而奪日鶴膝矛也

萬人彊弩百辟神刀同上萬人彊弩動黃間而連機百
辟神刀輝丹霞而吐鏑注曰機弩

牙也西京賦云黃間機張
魏武作百辟刀一似丹霞

三屬之甲九石之弓

同上三屬之甲

自合堅牢九石之弓固宜
良勁齊宣王用九石之弓

軍器少監

官制見大監門

羣公精語貳職武監

初寮除趙士寔制在昔熙豐留神
武備器械增巧規模具存朕親選

才良典領監事爾
貳厥職其既乃心

往服少事

曲阜韓純彥制武庫精銳
之器置監總之輟爾郎曹

往服
少事

軍器監丞

唐武德初武器監置丞三人貞觀六年廢武
器監開元三年置軍器監有丞丞掌判監事

凡材輩出納之數工徒衆寡之役皆督課焉唐百官志
本朝神宗時置丞二人建炎三年併歸工部紹興復置

中興
會要

歷代事實訓工程作

曲阜除李士京制云至治之世安不忘危甲兵之備豈易忽也訓工

程作置監董之而丞為之貳

參釐監事

初察除葉勸制朕因時治安申嚴武備參釐監事罔非遴

選

軍器監簿

唐武德初武器監置主簿一人貞觀六年廢武器監開元三年置軍器監有主簿掌印及

勾檢稽失唐百官志及六典本朝神宗時置丞二人續會要建炎三年併歸工部紹興二年復置中興會要

羣公精語列於監屬

初察除長鎮制朕親定規模俾除戎器列於監屬尤在得人

四六警語

戎監武庫

發端

法宮錫命
戎監登賢

疏渥宸庭
提綱軍監

出綽宸居
陞華戎監

拜命楓宸
提綱軍監

起聯

謂財貨源流所係久列屬於民曹
欲技巧工匠之精庸升班於大匠

游著作之廷增重儲材之地
歌車攻之什正資備器之能

制每重於刺經久儲素望
治莫嚴於備器暫倚長才

屈處堆工之任久稽考於簿書
欲觀鴻業之施飭備修於器械

警聯

萬人之弩百辟之刀典司必謹
九石之弓三屬之甲制度惟精

飭七兵之制作
贊萬乘之規模

戒不虞除戎器宜惟文具於一時
及閒暇明政刑庶折遐衝於萬里

結聯

脩車馬備器械周室中興
厲鋒刃鍛戈矛魯邦聿固

贊修攘之政少資備器之能
躋禁近之煦即聽持荷之寵
弘矢之利以威下董正攸資
英俊之彊可折衝登庸有漸

翰苑新書前集卷二十六

欽定四庫全書

翰苑新書前集卷二十七

國史院

國史院歷代史官自黃帝有之夏商太史周太史小史
始置以司馬談為之談卒子遷嗣宣帝以其官為令行
太史公文書修撰之職以他官領於是太史之官惟知
占候而已王莽改置柱下五史後漢至隋惟魏明太和
中史職隸中書其餘多隸秘書唐武德初因隋制屬秘
書省著作局貞觀移史館於禁中所以重其職而秘其事
絃奏曰太宗別置史館於禁中所以重其職而秘其事
自是著作局始罷史職其修撰史事以他官兼領或品
卑而有才者亦直焉本朝監修國史一人以宰相為之

修撰直館檢討無常員修撰以朝官充直館檢討以京官以上充掌修日歷及典司圖籍之事凡國史別置院於宣徽北院之東以藏之謂之編修院東京記云編修俗呼為史院天聖修真宗史欲重其任降勅宰相為提舉參知政事樞密副使為修史其同修史則以殿閣學士以上為之編修官以三館祕閣校理以上及京官充史畢即停續會要元豐改官制日歷隸國史案每修前朝國史實錄則別置國史實錄院以首相提舉翰林學士以上為修國史餘侍從官為同修國史庶官為編修官實錄院提舉官如國史從官為修撰餘官為檢討麟臺故事元祐復置國史院隸門下省明年又置國史院修撰兼知院事紹聖復以國史院歸祕書省宰輔三館題名中興即祕書省復建史館以修神宗哲宗兩朝實錄選本省官兼檢討校勘以侍從官充修撰紹興五年又移史館於省之側別為一所增重其事至九年修徽宗實錄乃即史館開實錄院明年以未修正史詔罷

史館併為實錄院紹興初實錄國史皆寓史館後罷史館遇修實錄即置實錄院遇修國史即置修國史院著作局惟修纂日歷中興會要宰相監修但提大綱檢討官搜閱校對惟修撰實專史職據所送到時政紀自壽中姚璘請使下所言宰相撰錄院時政紀自璘始起居注事見左右史門銓次其事排以日月謂之日歷聖朝職畧詳見日歷所條紹興二十八年詔置修國史院修神哲徽宗三朝正史

歷代事實太史柱下史

見官制

青史

漢書藝文志云青史注曰古史官記事之

書

百國春秋

墨子曰吾見百國春秋

論戰

司馬遷傳予為太史而不論戰

叙事簡

要

唐吳兢直史館居職殆三十年叙事簡要人用稱之

辭約事詳

漢獻帝以班書文繁難省命荀

悅為漢紀體裁精高

沈既濟撰建中實錄體裁精高

書法不隱

左傳董狐古之

良史也書法不隱

世稱良筆

蔣偕義三世踵修國史世稱良筆

稱為直筆

吳兢修國

史稱為直筆

稱善叙事

晉陳壽除著作郎撰三國志凡六十篇時人稱其善叙事有良史才

世典史籍

華嶠謝祕書監表劉向父子世典史籍

三世良筆

見世稱良筆注

父子

更泣

劉知幾父子三人更泣史官

欲就父業

班固傳固以父彪所續前史未詳乃潛精研思

以就其業

世為史官

司馬遷傳封遷後為史官通於古今

有良史

才

見羣書精語類

號良史

唐吳兢傳兢叙事簡核號良史

抱藏南山

韋述居史職二十年

祿山亂述抱國史藏於南山能存國史

皇朝事實史筵

曲阜集黃庭堅復官制云擢自先帝列職史筵

文詞雅正

吳朝

字春卿授著作郎直史獻端拱箴東都事畧王禹偁字元之端拱初太宗聞

其名召直史儒雅之士東都事畧楊徽之傳字仲猷治許州入為史館修撰太宗謂宰

相曰徽之儒雅之士也宜定題以試東都事畧羅處約與王禹偁召至京

置之館殿遂判集賢院師太宗自定題以試之以禹偁為召試優等東都事畧

右拾遺處約為著作郎皆直史館父趙鼎薦欽可備史館召試優等當除試入三等東都

直史館與言者有憾執政乃擬校勘蘇軾傳軾字子瞻學通經史屬文日奏為檢閱東都事

數千言召試秘閣入三等得直史館康傳康字公休父光修資薦充史館東都事畧吳俶字

治通鑑奏為檢閱文字史館編修太平御覽文薦充史館東都事畧吳俶字

羣書精語一代之典煥然可觀

溫嶠表國史之興將明得失使一代之典煥然

可觀古之國史皆出一家

劉知幾以監修者多為國史之弊奏記於蕭至忠曰古之國史

皆出自一家如魯漢之丘明子長齊之董狐南史

文直而事核文膽而事詳

論曰

司馬遷班固父子議者咸稱二子有良史之才遷文直而事核文膽而事詳若固之序事膽而不穢詳而有體使讀之者疊疊而不厭信哉其能成名也裁成帝墳

贊曰二班懷鈞深學海

囊括詞林

唐大詔令蕭嵩修國史制明乎國史所以弘闡大猷觀乎人文所以化成天下自非鈞深

學海囊括詞林盛周公之典謨懸仲尼之日月則何以纂叙鴻業

紬史策之徽烈

同俾

垂作範之規用成不刊之典上王道之端人事之紀

齊抗

修國史制王道之端人事之紀懲勸教化在於春秋
錯綜裁成必歸良直以中樞之餘力得東觀之全才修

明簡策

同上修明簡策惟爾之休

裁成義例之條

牛僧孺監修國史制

垂褒貶

於國書

同上

總史官之微婉

蕭鄴監修國史制

稽合異同裁成褒貶

上官當喉舌職重陽秋

王鐸制或官當喉舌職重陽秋

掌東觀陽秋之

重

蕭邁監修國史制

總簡書刊集之司

孫奭制遷紫微皇極之位總簡書刊集之司並

唐大職居刊削事繫編修

續通典晉天福四年史館奏職居刊削事繫編修爰舉舊

章冀為常典

刻於玉版藏於金匱

晁錯賢良策刻於玉版藏於金匱與天地相始終

採四方之志成一家之言

唐長慶三年令左史劉知幾直史館吳兢等修唐史採四

方之志成一家之言

善惡必書言成軌範

劉允濟云史官善惡必書言成軌範才也

學也識也

劉知幾曰史才須有三長謂才也學也識也

書之為難也有五

云書之為難也有五煩而不整一難也俗而不典二難也書不實錄三難也賞罰不中四難也文不勝質五難也

立典有五志焉

荀悅云立典有五志焉達道義彰法式通古今著功勲表賢能干寶釋體

國經治之言則書之用兵征伐之權則書之忠臣烈士孝子貞婦之節則書之文告專對之辭則書之才力技藝殊異**傳信傳疑**類要春秋之義信以傳信疑以傳疑明實錄也**不虛美不隱**

惡唐太宗謂監修國史房玄齡曰前世史官所記皆不令人主見之何也對曰史官不虛美不隱惡若人主

見之必怒**貫穿經傳馳騁古今**

班固言司馬遷作史貫穿經傳馳騁古今**文**

故不敢獻

獻之實足徵

類要魯史以來文獻之實足徵孔子因而修之

榮辱千載

類要得失一朝

而榮辱千載善人勸焉淫人懼焉

網羅舊聞

史記網羅天下放失舊聞

權重宰相遂

良傳遂良兼知起居事帝曰卿記起居人君得觀之否對曰今之起居古左右史也權重宰相戒人君不為非法未聞天子

自觀史也

提舉國史

本朝乾興元年命司徒監修國史馮拯專切提舉監修天聖五年王曾提舉監修真宗實

錄修兩朝史時王旦未領監修故特受詔曾已監修而無再授勅為提舉蓋一時之制也會要監修國史國朝

舊以宰相為之修日歷也故常帶入銜若修先朝正史則別置編修院宰相為提舉四朝志隆興元年詔右僕

射湯思退提舉修三朝國史父名舉辭免故改為提領孝宗會要權提舉國史自乾道元年虞并甫始時以關

相故與錢處和分領兩史其後魏南老李秀叔施聖與皆以執政官暫領相闕故也南老入相落權字秀叔聖與皆以命相免兼焉蓋修國史者指日厯也提舉國史院者指正史也紹興中秦會之以監修兼提舉二十六年並命沈守約万俟卨忠二相始分領焉朝野雜記

歷代事實綜覈班紀

見監修門

東觀屬詞更資通博

王方慶制東觀

屬詞更資通博宜輟鳳凰之省俾緝麒麟之署

監修國史

北齊詔魏收撰史又詔平原王高隆之總監之書名而已分紀唐太宗以宰相監修國史

及以他官兼領唐制宰相四人內一人監修國史職畧本朝從唐制史館有監修皆宰相兼領故事宰相兼職皆內降制處分乾德初以趙普兼監修止用勅非舊典也開寶中薛居正以參知政事監修自後參知政事

亦有管勾修國史者不常置麟臺故事慶厯三年呂夷簡罷相帶監修國史優及老臣也會要監修國史修日厯也故常帶入衙四朝志自元豐王珪後宰輔皆不入衙中興之六年命呂頤浩兼提舉修國史頤浩引元祐故事并及正史自是首相即兼監修監修之名廢於元豐而復於紹興紹興二十六年沈該萬俟卨並為左右僕射始分監修提舉為二至今因之宰輔三館題名權監修國史自錢處和始時湯進之去位陳長卿未至故以執政領之淳熙五年趙溫叔為右丞相陞兼提舉國史院錢景魏為監修國史不帶權字景魏辭免周益公在翰林答詔乞援故事仍帶權字許之自後率帶權字朝野雜記

歷代事實相臣總統

唐大詔令令孤絢監修國史制史閣要重近代以來率命相臣總統

其祕監總知史通曰太宗以梁陳齊周隋並未書乃命學士分修使祕書監魏徵總知其務凡

有贊論謚

重臣兼領

唐大詔令宋璟蘇頌修國史制古多預焉之良史實難其人掌邦國之事明

懲勸之道是以淑駿弘簡茂先博物爰自重臣式膺兼領

總統史任類要龍朔中許敬宗以太子少

師增前作唐史成

監總史氏

唐大詔令李固兼修國史制

類稟監修

劉知幾字子元以他職兼修國史時宰相韋巨源紀處訥揚再思宗楚客皆領監修子元病長官各意尚不一而蕭至忠數責論次無功乃求罷去因為至忠言五不可曰古之國史皆出一家未聞藉功於衆惟漢東觀集羣儒纂述無主條章不建今史司取士滋多人自為苟表家自為政駿每記一事載一言閤筆相視含豪不斷頭白可期汗青無日一不可漢郡國計書先上太史副上丞相後漢公卿所撰先集公府乃上蘭臺故史官載事為廣今史臣惟自詢採二史不注起居百官弗通行狀二不可史局深籍禁門所以杜顏面防請謁也今作

者如林倘示褒貶曾未絕口而朝野咸知孫盛取嫉權門王卽見讎貴族常人之情不能無畏三不可古者史氏各有指歸故司馬遷退處士進姦雄固抑忠臣飾主闕今史官注記類稟監修或須直辭或當隱惡十羊九牧其令難行四不可今監者不肯指授修者又不遵奉務相推避以延歲月五不可

羣書精語綜覈班史發揮蒼籀

唐大詔令蘇頌行張說等監修國史勅令古之

王者代有史官以日繫月屬詞比事舉動則書用存有法事而不法是謂空言蓋褒貶之重慎也自非經術文雅進修德業出忠入孝匡俗佐時為朕寶臣有邦良輔者孰可綜覈班史發揮蒼籀

主張懲勸總領典墳

鄭朗監修國史制主張懲勸總領典墳必使書法彌清動契春秋之

旨兼刊綜之榮

蕭鄴制

總青簡之刊修

丁搏制踐黃樞之峻級總青簡之刊修

國史修撰

唐初令狐德棻請修近代史遂命修撰名始

以宰相准修撰天寶後他官兼史職者曰史館修撰初
入為直館元和宰相裴均建議登朝官領史職者為修
撰以官高一人判館事未登朝官皆為直館大中廢直
館二員增修撰四人分掌四季分紀本朝從唐制史館
有修撰以他官領取上一員判官事分紀故事史館每
月撰日歷皆判館與修撰官直館分季撰錄其後止修
撰官及判館撰次大中祥符九年以刑部郎中高紳為
史館修撰紳即樞密使王欽若所引不令修纂止令權
判吏部銓自是領修撰者須兩省五品以上方掌修撰
天聖元年石中立以戶部郎中充史館修撰有司引紳
例亦不修日歷會要元祐中就門下省置局號國史院
紹聖初復還祕書省舊有修撰官至是改為修國史以
列曹尚書翰林學士充同修國史以侍郎以下充四朝
志同修國史故事未有以庶官為之者隆興胡邦衡以

起居郎兼權中舍始特命焉乾道洪景盧亦以起居舍人兼同修蓋用此例嘉泰後陸務觀李季章皆踵為之近制修撰同修撰通止四員朝野雜記

歷代事實執簡

左傳齊崔杼弑莊公太史書曰崔杼弑其君崔子殺之其弟嗣書而死者一人

其弟乃舍之南史氏聞太史盡秉筆唐李朔傳史館修死執簡以往聞既書矣乃退撰以史官記事不

實奏曰臣得秉筆以記注為職夫勸善懲惡正言直筆史官之任今善惡皆取行狀謚議蓋行狀多虛美今請

但指事實執筆韓文魏傳先廟碑云臣適執筆直載事功執筆隸太史時退之為史館修撰彤管今

註云牛亨問彤管何也答曰金匱見詩秉筆成大典范史官載事用彤管以紀事詞

知壽州上言家世史官願得秉直執簡為史官白集韓筆成國朝大典以為史館修撰愈除史

館修撰制可使執簡為史
官記事書法必無所拘

權重宰相

唐朱敬則傳敬則
兼修國史乃請高

史官以求名才韋安石嘗閱其史藁嘆曰董狐何以加
世人不知史官權重宰相宰相但能制生人史官兼制

生死古之聖君賢
臣所以畏懼也

吳兢有才

從外家肆史得其書核綜
生所以畏懼也

羣籍有
史才 **張華推美**

史通云馬融三八東觀漢代稱
榮張華再典史官晉朝推美

才堪

論譔

吳兢才堪論譔
直史館修國史

核綜羣籍

見吳兢
有才注博採衆記

要類

丘明之傳
博採衆記 **體正思精**

范曄論撰書之意曰吾文之傑思
殆無一字空設此書行應有賞音

者自古體正而
思精未有此也

韓愈可為

見執簡為
史官注

處厚允宜

續通典
長慶二

年勅憲宗實錄未修切資論撰
路隨韋處厚允宜史館修撰

擇堪任人

唐大詔令簡
擇史臣詔修

撰國史義在典實自非操履純白業量該通謹正有聞
方堪此任所以承前蹤居史官必就中簡擇灼然為衆
所推者方今著述近日以來但難此職即知修撰非惟
編緝疎舛亦恐漏泄史事今後宜於史官內簡擇堪任
修史人錄以本官充續通典太和六年以諫議大夫王
名進內郎蘇滌右補闕裴休並以本官充史館修撰故事史官
不過三員少或止於兩員至是四人並命時論深以為
非以祕監領見羣書三世良筆唐蔣乂傳乂遷起居舍
人為史館修撰偕歷史館修撰初柳芳作唐歷大歷以
後闕而不錄宣宗詔偕等分年撰次盡元和以續云三
世踵修國史世稱良筆咸云蔣氏日歷

皇朝事實博記該洽

東都事畧呂夏卿字縉叔博覽強
記而於歷代史尤該洽其修仁宗

實錄同修起居注

有良史才

國朝淳化元年以右司諫梁周翰為史館修撰翰林學士宋白薦其

有良史之才

宿德耆儒

見上長編九百八十卷注

修實錄五十六卷

東都事畧

楊億傳貞宗即位拜右正言修太宗實錄凡八十篇獨成五十六卷

上長編九百八十卷

言行錄李文簡公燾號巽巖時權同修國史得旨長編或有增損依熙寧修三經義法具奏至是上四千四百五十餘條又以一百六十八年事散在史冊乙覽難周別為舉要六十八卷總目五卷修撰事目十卷至十年六月對延和殿上曰卿宿德耆儒宜在左右任史職

參朱墨本訪求事迹

李益能撰纂密

禮行狀重修神宗哲宗兩朝正史公奏神宗實錄墨本元祐所修已是成書朱本蔡卞重修多所增損而元祐史官語言不無失實乞將朱墨本參照修定哲宗實錄蔡京提舉編修多是增飾語言變易是非殆非實錄

之體乞於舊臣之家求訪當時
文字事迹參照上悉如所請
寶錄漏略集官重修宗太

語宰相曰太祖朝事耳目相接今
錄中多有漏略可集史官重加修撰
命程琳東都事畧
程琳傳琳

字天球舉服勤詞學科中選仁宗時修
錄而起居注闕命琳追修書成遂修起居注
擢李淑

東都事畧李若谷傳子淑字
獻臣天聖中擢史館修撰
無以易藻言行錄汪顯謨
藻字彥章公言

自元符來並無日歷此國之重事願留聖心上納之既
而宰執請擇所付上曰無以易藻矣出知潮州詔領日

歷如故辟屬二員具
賜史館修撰餐錢
獨付曾鞏言行錄曾鞏字子固天
子察公賢一日手詔中

書門下曰曾鞏以史學見稱士類宜典五朝史事遂以
為修撰近世修史必衆選文學之士以大臣監總未有

以五朝大典獨委
付一人如公者
獨委密禮纂北海先生密禮行狀主上
採議臣之言肇置史官時紹

興三年為史館修撰以復永平之舊筆削之任首獨委公士艷其榮

置之得宜

淳化二年史館修撰

揚徽之次對上言徽之操履無玷州郡非其所長置之館殿正得其宜

史才甚難

國朝太

才甚難在乎善惡必書務以中丞兼哲宗實錄學士王撫實而去愛憎斯為良史

以中丞兼

珪奏中丞賈黯前

以學士修仁宗實錄自領臺憲不復入院望令依舊供職從之黯乞以實錄就臺修撰有議事即三五日一就

赴院詔令三五日一赴院修撰以中舍兼東都事畧徐勣傳勣字元功為中書舍人修神宗正史上

言宜取當時輔相家記錄以參較得失則一代大典可信矣

除諫議充

言行錄范祖禹字淳甫除

諫議大夫充實錄院修撰時申公已薨遂就職父子繼掌東都事畧宋綬傳綬

國史後其子敏求為史館修撰父子繼掌五朝史出父子手筆聖朝

父子繼世掌史世以為榮焉

五朝史出父子手筆

聖朝

職畧蘇頌以為五朝正國史二聖編年
皆出宋敏求父子手筆亦儒者盛事
父子同典史事

言行錄李巽巖燾權同修國史先是子庶蕪國史編
修實錄檢討遷校書著作父子同典史事措紳榮之

諸臣外出獨秉史筆
東都事畧宋祁傳祁字子京賈昌

察張方平為修撰又命范鎮邵必宋敏求呂夏卿為
編修而以昌朝提舉後相繼出外祁遂獨秉史筆

羣書精語立詞措意有班馬之風
白集韓愈除史館修

班馬之風竄定闕文裁成義類
元徽之行獨孤朗制云竄定

之職書朝廷得失之事
續通典貞元十一年史館修撰

裴延齡言於上曰諫議大夫論朝廷得失之官史臣修
撰書朝廷得失之事則領史職者不宜為諫議遷秘書

監筆削宜屬英髦

續通典晉天福六年張昭遠等修撰唐史詔

秉筆史館以

紀錄為職

續通典元和十四年史館修撰李翱奏無能謬得秉筆史館以紀錄為職夫勸善懲惡正

言直筆紀聖君功德述忠臣賢士事業載姦人佞臣醜行以傳無窮者史官之任也

前賢詩詞當時載筆窺金匱

劉禹錫送分司陳郎中祇召直史館重修三聖實錄

詩遠取南朝貴公子重修東觀帝王書當時載筆窺金匱暇日登樓到石渠

二子之才似六

經

丁謂初與孫何齊名翰林學士王禹偁延譽於帝曰謂與何可使白衣充修撰由此聲名籍甚禹偁嘗與

詩曰三百年來文不振直從韓柳到孫丁而今便合教修史二子之才似六經

國史檢討官

本朝淳化二年以殿中丞郭延澤太子右贊善大夫董元亨並為史館檢討紹興九

年詔史館見修徽宗實錄以實錄院為名檢討官無定員今提舉秦檜辟差近制檢討官六員嘉定二年曾君錫自起居郎兼檢討官除權侍郎當陞帶修撰而員數已溢乃降旨權以檢討官繫銜候將來有闕日陞帶以從官為檢討蓋自曾君錫始也朝野雜記

皇朝事實討論

言行錄李燾乞判定徽宗實錄之疎舛者因言臣方進治平後長編若就加討

論他時可助正史詔後開實錄院首命公為檢討官

父子同典史事

見編修官門

實錄院

本朝治平元年以宰臣韓琦提舉修仁宗實錄後皆准此見會要紹興初實錄國史皆寓史館

後罷史館遇修實錄即置實錄院修國史即置國史館九年二月以修神宗哲宗徽宗實錄始置院以宰臣一員提舉詔將史館前所充實錄院作角門通過史館并祕書省十一年詔史館提舉諸司承受等并官吏並併

歸實錄院以罷史館也中興會要

歷代事實聖朝大典

續通典唐至德二年史館太常少卿于休烈國史實錄聖朝大典

吳兢今董狐

吳兢與劉子元撰定武后實錄序張昌宗

璟等激勵苦切故轉禍為忠不然皇嗣且殆卒不改世謂今董狐

玉牒官

歷代玉牒官無定員掌修皇帝玉牒凡編年以紀帝系而載其歷數及朝廷政令之因革者為

玉牒續會要唐本宗正之職開成後始別置修玉牒官本朝祥符六年始設局置官做唐制也詔以皇宋玉牒為名八年建玉牒殿於新寺朱勝非秀水閒居錄本朝國史嚴奉寶藏未有如玉牒者用金花紅羅縹黃金軸至神宗朝以軸大難於披閱詔為金梵夾又以黃金為匣鎖鑰皆金也進呈畢安奉於宗正寺玉牒殿士夫罕

有知其制度者予項在朝廷因宗正丞謝汲白本寺事
論及玉牒問宰執諸公制度趙元鎮曰不過刻如玉冊
耳予曰國家宗支之蕃自古無之每朝為一牒宗室官
稱名行女與其夫皆錄之以玉刊不其難乎又中興繫
年錄注每朝為一牒乃載人主系序及歷年行事如帝
紀而差詳其後附以皇后事迹親王宗室子女則有宗
藩慶系錄仙源類譜仙源積慶圖三書詳焉非同為一
牒也玉牒則安於玉牒殿類譜則安於屬籍堂勝非亦
少誤景祐元年宗正寺修玉牒官李淑申請詔以編修
院所西閣為充修纂玉牒之所熙寧三年玉牒於三班
院置局後徙編修院皇帝玉牒十年一進修玉牒官並
以學士典領自元豐行官制分隸宗正寺官六年詔宗
正寺修玉牒照用日歷所文字並指定所書事令本所
節錄元符二年宗正寺丞陳覺民乞將先帝玉牒內聖
政令本寺修玉牒官抄寫封送國史院從之紹興十二
年襲舊制始建以宰臣一人提舉修玉牒官一人以侍

從兼凡宗正少卿而下悉與修纂二十九年詔玉牒所併入宗正寺更不置修玉牒官檢討官以本寺少卿及丞同領編修事詔玉牒所宰臣提舉依舊修書官一員同正卿丞修纂更不置檢討官中興會要故事玉牒以首相領之自後相府有闕則以首參兼領仍帶權字淳熙十五年王丞相淮去位周益公以右揆兼領時勅令所纔罷而首參關仲至無兼局益公乃奏乞以仲至權提舉玉牒宰相在位而執政權領實訓玉牒自此始也

朝野雜記

歷代事實輝華名於玉牒

文選七命生必創嘉名光帝

籍

續通典開成二年修玉牒官李衡奏切以聖唐玉牒與史冊並驅立號建名期於不朽伏乞付宰臣商量

於玉牒之上特創嘉名以光帝籍勅旨宜以皇唐玉牒為名

皇朝事實奏劉宋等為

貞宗實錄趙安仁重修玉牒屬籍請依唐室故事修玉牒官奏

劉筠夏竦宋綬等為之初梁周翰始創其制而未備安仁重加裁定又為仙源積慶圖皆統列精簡焉

日歷所

唐貞元韋執誼奏修撰私家紀錄非是望令各撰以時政記起居注會集修撰為一代之典舊於門下

省置編修院專掌國史實錄修纂日歷元豐四年廢編修院歸史館官制行屬秘書省國史案六年詔秘書省長貳毋得預著作修纂日歷事進書即繫銜以防漏洩如舊編修院法焉元祐五年移國史案置局專掌國史實錄編修日歷以國史院為名隸門下省更不隸秘書省紹聖二年詔日歷還秘書省宣和二年詔罷在京修書局惟秘書省日歷所係元豐國史案除著作官專管修纂日歷之事無定員外其元豐分案編修日歷書庫

官吏並依元豐法四朝志紹興元年以修日歷所為名
又詔祕書長貳通行修纂日歷二年詔左僕射呂頤浩
兼提舉修國史詔書日歷令侍從官帶史館修撰餘官
帶直史館檢討若著作郎佐郎闕依元豐例差郎官兼
領日歷所以修國史日歷所以為名四年詔修國史日
歷所以史館為名依舊制置編修校勘官十年依元豐
舊制併歸祕書省國史案以著作郎佐郎修纂日歷見
今修淵聖及今上日歷令宰相提舉以監修國史繫銜
中興
會要

皇朝事實無以易藻

見國史
修撰門

會要所

唐德宗貞元間蘇冕始為唐會要四十卷武宗
時崔鉉又續四十卷本朝建隆初王溥取宣宗

以後故事并蘇崔所錄共為一百卷本朝會要自建隆
止慶歷四年成一百五十卷章得象上王洙編修王珪

續以慶歷止熙寧十年通舊增損成三百卷總二十一
類八百五十五門國朝會要序乾道四年詔尚書左僕
射陳俊卿兼提舉編修國朝會要五年秘書少監汪大
猷等言蔡攸所修國朝會要除將熙寧十年以前章得
象王珪所修重加刑潤外其自元豐至政和止修得帝
系后妃吉禮三門攸所修吉禮緣當時議論好惡不同
妄有刪改以迎時好乞令本省再加刪定兼今來續修
斷自神宗其五朝會要內有熙寧十年內事亦合重行
編入以續修國朝會要為名從之六年中書門下省言
國朝會要已修至靖康詔令自建炎元年接續至乾道
五年九年秘書少監陳騏言編類建炎以後會要至紹
興三十二年六月十一日成書以中興會要為名從之

孝宗
會要

勅令所兼詳定

本朝天聖慶歷嘉祐熙寧編叙及元符勅令
格式各差宰臣提舉此事見續會要何執中

奏而四朝志乃云自熙寧初編修三司令式命宰臣王安石提舉如志所言是自熙寧始也然天聖既有提舉之例不應自熙寧始今姑存之以俟考究詳定官以侍從之通法令者充政和元年差左僕射何執中提舉重修勅令執中上章力辭於是不帶提舉以兼領為名續會要建炎四年命宰臣范宗尹提舉重修詳定勅令至是始設官置局命大理寺及見在勅局官兼詳定刪定中興會要紹興三十二年孝宗已即位未改元六月權吏部侍郎徐度等言近措置聚集建炎紹興已來詔旨專一置局今采所名取自朝廷指揮詔依舊以勅令所為名會要紹興中改為詳定一司勅令所自建炎四年以前著為紹興新法以後續降敕二萬餘條前後抵牾職源軌道四年詔差刑部侍郎汪大猷兼詳定官理少王彥洪韓元吉兼同詳定官刑部侍郎蔡洸劉芮吏部鄭伯熊戶部曾逮理丞潘景兼刪定官限一年了畢六年汪大猷奏令行事件於是提舉官銜繫兼詳定一司勅令

詳定官銜繫燕詳定一司勅令並依舊例施行係孝宗
會要修入國朝修軍馬司勅則屬樞密仁宗時命田況
提舉熙寧八年權知審刑院崔台符言奉詔修軍政事
重故事以樞臣總領於是命樞密使陳升之提舉管勾
續會要

皇朝事實牙章竹簡

類要牙章竹簡之中因於法吏

鈞金東矢

李彭年論刑法

第二表曰周禮鈞金束矢慎之至也

金條玉科

劇秦義新謂刑法曰金條玉科

編修官

本朝太平興國八年以楊文舉為國子監丞史館編修職官分紀乾興元年判官李淮修撰宋

綬言修撰官只二人望擇館閣官二員充編修官遂詔集賢校理王舉正館閣校勘李淑同共編修會要紹興

二十八年修神宗哲宗徽宗三朝正史差吏部郎葉謙亨胡沂校書汪澈兼編修官乾道四年詔國史院添置

編修二員五年詔更添
編修一員孝宗會要

皇朝事實清職

周益公集范文穆公成大除禮部員外郎兼崇正殿說書上令更加清職遂兼

國史院古之良史

游絳撰表樞行狀公字機仲為編修官史院分修列傳故相章子厚家以

為同里人宛轉求釋其事公曰吾為史官書法不隱寧可負鄉人不可負天下後世公議時丞相趙公雄總史

事見子厚傳歎曰不愧古之良史

不負公議見上

神情沖澹

天聖中修國史王安

簡謝陽夏黃唐卿李邯鄲為編修官安簡神情沖澹唐卿刻意篇什謝李戲為句曰王貌閒如鶴黃吟苦似猿

父子同典史事

見國史修撰門

有史學

東都事畧劉恕傳恕為人強記於書無所不覽

有史學司馬光修資未嘗謁荆公范氏家傳范祖禹字通鑑奏請同編修

歷代君臣事迹與公同編修供職祕省時王荊公當國
公未嘗往謁王安國與公友善嘗論以荊公意以公獨
不親附故未進論次唐鑑范氏家傳祖禹在書局分職
用公竟不往見迹撮其機要論次成書名曰修唐書用力居多東都事
唐鑑元祐元年上表進其書修唐書卿傳字縉叔時修唐書以夏卿為編修官夏卿
博覽強記於歷代史尤該洽於新書用力居多給札繕
寫言行錄李文簡公燾長編卷帙漸成蜀帥汪應辰乞
下臨安府給筆札繕寫藏閣公遂進國初至治平一
百八

勅令所刪定官

本朝舊刪定無常員大觀三年詔六曹
刪定官併入詳定一司勅令所為一局

四朝志後省紹興十二年徐度申請東集建炎紹興詔
旨令專置一局乞權行復置刪定官以三員為額於行

在職事官內差兼詔依舊以勅令所為名後省乾道六年復置勅令所淳熙十五年林栗申請廢勅令局剛定官並省紹興二年復置局差刪定官三員勅令題名

皇朝事實人物為寶

中興繫年錄左文林郎剛定官鄭剛中字亨仲引對願下屬精之詔

不得以虛名文具欺罔朝廷翌日進呈上曰近所引對多是人材朕雖得珠玉珍玩不足為寶但冀一歲之間得十數人物乃足為寶也以其言令學士院降詔出榜朝堂以剛中為左宣教郎充樞密院編修官持法近厚神宗實錄錢象先知律令故屢為刑法官預修慶厯嘉祐編勅及州縣諸路條貫常以犯勅者重犯令者輕請移勅文入令者甚衆又嘗議告捕法以為罪有可告捕者皆許捕則姦民得依法以害善良因省去許捕之條百餘其持法大要欲近厚如此一切勅成例進書勅爵仁宗以其母老欲有以慰之乃獨賜公三品服書

成列選德殿

樓攻媿集汪大猷字仲嘉乞重修法令公極以為已任推舉詳明通練之士以自佐

訪求舊史綱羅故牘歲餘書成孝宗取進本列於選德殿之左右朝夕觀覽

入對上三事

中興

繫年錄勅令所刑定官金安節字彥亨入對上三事曰人才當長養成就之取其第二奏行下旬日以為司農

陸佃薦李公麟

東都事畧李公麟傳公麟字伯時用陸佃薦為刑定官公麟博學好古

多識奇字遷密院編修

見人物

除司農丞

見入對上三事注

發端

被涯帝宸躋榮史局

警句

聖化齊虞夏方咸五以登三論述本詩書將襲六而為七

劉知幾之作史謂有三長范蔚宗之精思空無一字

德勸所關必重臣之兼領
美惡不隱宜賢主之必觀

文詞雅正帝墳式賴於裁成
書法森嚴國典惟工於潤色

褒貶徽權重於宰相
鋪張偉績咨以鴻儒

翰苑新書前集卷二十七

欽定四庫全書

翰苑新書前集卷二十八

太子太傅

總六傳

三王教世子立太傅少傅以養之太傅在前少傅在後入則有保出則有師文王世子周成王

幼在襁抱太公為太師大戴禮西漢有太子太傅少傅漢書晉職官志云漢西京則太子門大夫庶子洗馬舍

人屬二傅後漢太傅禮如師不領官屬少傅悉主太子官屬後齊以太師太傅太保為三師少師少傅少保為

三少唐三師三少官不必備惟其人則闕之六典本朝仁宗在春官李文定公以叅知政事兼賓客及陞左相

遂進兼少傅此宰相兼官僚之所從始也天禧末皇太子同聽政乃以首相兼少師樞使曹利用兼賓客自後

神宗欽宗孝宗光宗在東宮皆不置開禧三年史同知自詹事入樞府乃進兼賓客已而太子侍立遂以錢承相兼太子少傅明年並置二相改兼少師右相兼少傅未幾右相丁內艱左相亦去位又明年左相起復遂進兼少師焉

朝野雜記

歷代事實端士

大戴禮選天下端士孝弟博聞有道術者以輔翼之故太子見正事聞正言行

正道左右前後皆正人也正人

見上

孝仁禮義以道習

前漢賈誼上疏曰昔者成

王幼在襁抱召公為太保周公為太傅太公為太師保其身體傳傳其德義師導之教訓此三公之職也於是為置三少皆上大夫也曰少保少傅少師是與太子宴者也故乃孩提有識三公三少因明孝仁禮義以道習之逐去邪人

前後入出以教諭

禮記文王世子凡三王教世子必以禮樂

云云立太傅少傅以養之欲其知父子君臣之道也太
傳審父子君臣之道以示之少傳奉世子以觀太傅之
德行而審喻之太傅在前少傅在後入則有保出則有
師以教喻而德成也師也者教之以事而喻諸德者也
保也者慎其身以輔翼之而歸諸道者也
言語視聽皆有以師以道德輔教
太子者也至於動靜起居言語視聽皆有以焉
生即置輔弼
唐太宗謂庶子于
志寧曰古者太子
既生士負之即置輔弼成
王幼小周召為師是也

皇朝事實十日一赴資善

石林燕語仁宗為皇太子宰相丁謂馮拯兼少師少傅樞

使曹利用兼少保參政王曾樞副錢惟演兼賓客謂等
因請師傳十日一赴資善堂賓客以下隻日互陪侍講
學上從之

太子太師歷代事實銀印青綬晉官品令云太子太師銀印青綬忠謇

貴重唐太子承乾與魏王泰交惡太宗曰忠謇貴重無

拜太子太師公辭詔答曰漢太子以四皓為助我賴公其義也公雖卧病可擁全之羽翼擁全見上

注輔翼教諭陸宣公集李勉太子太師制輔翼青闌是資教諭教以事諭諸德

見六傳門卧護詔可卧護之師範國儲陸集李勉太子太師制贊翼皇

儲岐王範太子太師制太公為見總鄭覃馮定為太子詹事時

宰臣鄭覃兼太子太師欲於尚書省上事定奏曰據六

典太師居詹事府不合於都省禮上乃詔於本司上事

人推同三品唐職林長孫無忌為太子太師同

美之中書門下三品同三品自此始

羣書精語官不必備唯其人

見官制

晨謁金墀夜隨銀槃

許敬宗除太子太師制晨謁金墀事切於忠塞夜隨銀槃義先於調護

傳道元子師長庶

僚

孫逖行信安王禕太子太師制傳道元子師長庶僚

俾極宮臣之位

同工宜優天秩之榮

俾極宮臣之位

來儀博望

曲阜行岐王範太子太師制贊翼皇儲允歸師保又云來儀博望

太子太傅歷代事實佩水蒼玉

晉書二傳進賢兩梁冠黑介幘五時朝服佩水

蒼玉銀章青綬

與服志太子太保太傅銀章青綬佩蒼玉

恭謹無與比

萬石君傳石奮

孝文時恭謹舉朝無與比太子太傅缺選可傳者皆推奮遂拜為太子太傅

循行孝謹

石奮子慶

循行孝謹元狩元年立太子選羣臣可傳者慶自沛守為太子太傅

履道立德

見躬訓一儲官注

時儒宗

虞預晉書賀循為太子太傅時朝廷初建動有疑義宗廟制度皆循所定朝野以為一時儒宗

當今無比

吳張溫少修節操權聞之問曰溫當今與誰為比顧雍曰當今無比召到廷見占對之辭

觀之者碩疎權改容加禮拜議郎選曹尚書尋遷太子太傅

名儒以禮召

程秉事鄭玄避亂交

州與劉熙考論大義遂博通五經權聞其名儒以禮召既到拜太子太傅

用天下賢才

後桓榮傳

顯宗始立為皇太子詔問誰可傳太子者羣臣皆言陰氏可博士張佚曰今陛下立太子為陰氏乎為天下乎

即為陰氏則陰侯可為天下則固宜用天下之賢才帝曰欲置傳者以輔太子也今博士不難正朕況太子乎

即拜佚為太子太傅而以榮為少傅

審父子君臣之道

賈誼策太傅審父子君臣之道以示

之詳見躬訓儲宮

晉中興書賀循為太子太傅詔曰循六傳門

清真履道居身以沖約為本立德以

仁讓為行躬訓立草為訓傳暢晉公卿禮秩太傅立琢儲官默而成化

磨玉質

應劭漢官儀太子太傅日就月將琢磨以道也諫易太

子前漢叔孫通為太子太傅帝欲趙王如意易太子通曰太子天下本一搖天下震動奈何以天下戲高

帝曰吾父子並為疏廣地節中為太子太傅兄子受拜少傳父子並為師傳朝廷以為榮

奮慶繼為

見循行不稱臣魏太傅於太禮如師後漢太

一人職掌輔導太子太子執子弟禮晉東宮舊事皇太

禮如師不領官屬太子正服而禮魏志何夔字叔龍為太

子詣崇賢門迎太子正子太傅每月朔太傅入

見太子太子正崇敬二傳徐廣晉記武帝時有司奏東

法服而禮焉

二傳以尊教前世之令典也
崇賢門迎
張勳晉東宮舊事皇太子於二

傳執弟子禮二傳入見太子詣崇賢門
位視尚書令
百

官志梁太傅一
鄧禹以名臣拜
北堂書抄後漢明帝以鄧禹先帝名臣拜太傅

王導以驃騎領
北堂書抄晉王導以驃騎大將軍領太子太傅
齊王以司空行

同上晉齊王攸為司空太子太傅
石慶以沛守為
見循行孝

謹注

羣書精語寵極腰銀榮深佩玉
記室新
我我德傳
沈約詩灼

灼英台我
保相必擇賢明
見齊王以司空行注

我德傳

太子太保歷代事實直臣

後魏顯祖將禪位於京兆王子推陸馥抗言皇太子聖德

承基四海屬望臣請刻顯殿廷有死無二久之帝保其意解語曰馥直臣也具能保吾子乎遂以為太傅保其

身體

見六傳門

入則有保見六輔翼而歸諸道

召公為保

並見六傳門

以德導

蕭瑀為太子太保太宗曰三師以德導太子者也禮不尊則無所取法

開

府加

王隱晉書劉實字子真以特進開府加太子太保

特進行

晉中興書懷帝以荀組為侍中

特進行太

子太保

羣書精語春宮保氏

曲阜除又金制云

寵異分班

國朝王溥乾德二年罷為

太子太保故事一品班於臺省之後太祖因見溥曰舊相當寵異之即令分臺省班於東西

名秩甚

尊曲阜行蘇頌太子太保
春宮三太名秩甚尊

卷二十八

太子少師歷代事實言辭慷慨貞觀政要李綱為太子少師為陳父子君臣之

道問寢視膳之方理順辭直聽者忘倦太子嘗商畧古
采君臣必全孝竭忠盡節之事綱凜然曰託六尺之孤

寄百里之命古人以為難綱以為易每吐論發言深自
辭色慷慨有不可奪之志太子未嘗不聳然禮待

卑損類要房玄齡為太子少師時皇太子將行拜禮備禮以待之玄齡深自卑損不敢修謁遂歸於家有

識者莫不重其宗讓觀三師之德隋百官志梁三少各一人掌道奉皇太子以觀三師之道德道

問寢視膳之方見言辭舊德保護職林唐文宗議選舊德保護東宮乃以太

子少師召蕭悅僥字思謙古難其選貞觀中房玄齡為太子少師玄齡避位詔不許太宗因謂侍臣

曰太子師係古難其選

太子親拜

唐李綱字文紀拜太子少師綱素有脚疾太宗特賜步輿令乘

至閣下數引禁中問以政道又今與入東宮太子引上殿拜之

乘小馬入內省

許敬宗為太子

少師乾封初以年老不能行步特令朝日乘小馬入禁門至內省

自叙黃畝

後魏郭祚領太子少師祚從世宗幸東宮明帝幼弱祚持一黃畝出奉之時謗祚者號為

黃畝少師

羣書精語九德之師六行之傳

北堂書抄薛綜讓少師表先王之建太子必擇

九德之師六行之傳

太子少傅

歷代事實秉德履道

晉書山濤轉少傅詔曰秉德冲素心思潛通清

虛履道有古人之風

秉德復禮

晉山濤啓事皇太子始之東宮四海屬望保傳不可不高天下之選

羊祐秉德尚義克已復禮又尚年少可久其事

名德重於當時

續漢書王丹字仲回為少傳名

德重於當時

蹇蹇正直

東觀漢紀王丹為太子少傳蹇蹇正直

外叅傳訓

見自叙

保傅承華

唐大詔令鄭畧太子少傳制

得輔道之義

晉書華廙字長駿遷少傳得輔

道之義

有不言之益

北堂書抄晉周顒拜少傳詔曰有不言之益

以庶代宗之戒

魏志邢顒初太子未定而臨菑侯植有寵丁儀並贊翼其美太祖問顒對曰以庶代宗先世之戒也願殿下深

重察之太祖識其意以為太子少傳

卧傳

漢高帝謂張良曰子房雖疾強卧傳太子時叔孫通已為太傳

良行少傳事

不朝朔望

漢故事太傅少傳並不朝朔望

準古不拜

晉書何曾議少傳準

古不拜

接以賓友

南史王儉拜太子少傅朝議太子接少傅以賓友禮

賜以車馬

桓

榮字春卿顯宗立為皇太子以榮為少傅賜以輜車乘馬榮大會諸生陳其車馬印綬曰今日所蒙稽古之力

也可不勉哉

賜三傑詩

源乾曜為少傅與左右丞相宋璟張說賜宴尚書省帝賦三傑詩以賜

三世傳東宮

吳薛綜為太子少傅子榮孫皓時為太子少傅晉平吳子兼事元帝亦為太子少傅

自綜至兼三世傳東宮

自叙質輕蟬翼事重千鈞

晉中興書周顗字伯仁拜太子少傅上疏曰臣學不通一

經智不效一官乃欲使臣內管銓衡外參傳訓質輕蟬翼事重千鈞此之不可不待識而明矣

羣書精語資六傳之賢弘三善之益

白集行嚴綬制漢擇名儒任先疏廣

晉求耆德選在山濤實資

六傳之賢用弘三善之益

可領調護之任

同上制正人

在側德義盈堂

傳立為太子少傅箴曰正人在側德義盈堂鮑肆先入蘭室不芳傳臣司計敢

告君調護是職

後周蕭圓為太子少傅以任當師傳調護是職乃作少傅箴曰愛惜日力寸陰

母棄視膳再飯寢門三至小心翼翼大孝烝烝詢謀計慮問對疑丞安樂必敬毋忘戰兢云云

太子少保歷代事實直士

唐李綱兼太子詹事頻乞骸骨高祖慢罵之曰建成在東

宮遣卿輔導何為屢致辭乎綱頓手陳謝曰云云陛下功成業泰頗自矜伐臣事太子所懷鄙見復不採納高

祖謝曰知公直士勉弼我

東朝保傅

白集行嚴綬制東朝保傅歷代尊崇

手勅稱名

李綱為太子少保高祖以其隋氏名臣甚加優禮手勅未嘗稱名其見重如此

皇朝事實以輔臣兼

王國朝天禧四年以資政殿大學士

臣兼領東宮三少品序
非便表換故有是命

太子賓客

唐百官志太子賓客掌侍從規諫贊相禮儀

四年參政任中正樞副錢惟演參政王曾並兼
太子賓客執政兼東宮官自此始也職官分紀

歷代事實賓友

晉愍懷太子在東宮選大臣
子弟有名稱者以為賓友

陳邦國大

本

唐書鄭肅開成二年詔拜吏部侍郎帝以肅常侍太
子言論正典復令兼太子賓客為東宮受經既而太

子失寵上不悅有廢斥意肅召見深陳邦國
之大本君臣父子之義上乃改容深嘉之

皇朝事實如師傳禮

國朝至道元年尚書左丞李至禮
部侍郎李沆並兼太子賓客見皇

太子如師傅之禮上召謂至等曰朕以太子仁孝賢明
尤所鍾愛今立為儲貳以為國本當須正人輔之卿等
可盡心調護若動皆用禮必須贊成如是稍有未當不
可隨順至於禮樂詩書之道可以裨益太子者皆卿等
素習不假為宰相東齊記事李文定公叅知政事時仁
朕多訓也皇為太子文定為賓客一日召對滋福
殿方相之固辭俄太子出謝蒙恩以賓客為宰相真宗
顧謂曰尚可辭耶乃拜吏部侍郎兼太子太傅同中
書門下
平章事

翰苑新書前集卷二十八

欽定四庫全書

翰苑新書前集卷二十九

東宮

總東宮官

官制見後各官之下此但載通用之事如舍人等官今雖不置亦附載於內

歷代事實宮寮

劉洎疏云云

端輔

見羣書精語類

儲寮

續通典寶歷三年詔長慶

以來兩河用兵偏裨立勲擢其周行率以儲寮王官雜補之

儲隸

見羣書精語

輔儲官

唐太

宗貞觀中謂羣臣曰公等為朕搜訪賢德以輔儲官

鶴禁衛

神龍初復舊焉

相東禁

常衮庶子

制云輔左右皆正人

賈誼曰王者之於太子皆選天下相東禁

之使與太子居處出入故其坐則見正矯迹入崇賢
注

賢太子門選端士見左右皆用賢才東漢世祖嘗問誰可輔
太子者博士張佚曰為

天下則固宜用天下之賢才性質溫敏
見儒孝悌博聞

見選端晁錯智囊
前漢文帝以晁錯為陸亮忠心
晉武

曰太子家令陸亮有儒宗
唐王玄感為四門博士詔曰

倚前達之失究先聖之旨是謂儒宗
習於春秋
晉悼公

侯曰何謂德義曰在君側以其善行以其惡戒公四海
曰孰能對曰羊舌肸習於春秋乃召向使傳太子

才德山濤啓事曰瑯琊王第三子皆為國才經文雅荀
氏

家傳遽字道玄拜太子洗馬戴若思特見欽重作詩頌之序曰洗馬荀道玄累葉重光才經文雅所以弱冠登

朝後進模範

梁庾信幼而俊邁聰敏絕倫博覽羣書父肩吾為梁太子中庶子東海徐陵父摛為

左衛率陵及子倫並為抄撰學士父子東宮出入禁闥恩禮莫與比陵儉文並綺艷故世號為徐庾體當時後

進競相模範

號徐庾體

見上

文號宮體

梁徐摛屬文好為新變不拘舊體為皇太

子家令兼管書記文體既別春坊盡學之宮體之號自斯而起矣

參兩宮文翰

唐徐浩

季海玄宗時太子司議郎肅宗即位詔令多出於浩玄宗傳位誥冊皆浩為之參兩宮之文翰寵遇罕與為比

保訓東宮

漢中宗勅令劉向王褒蕭望之周堪之徒以文章儒術保訓東宮

調護青闈

白居易除趙昌制云夫望青襟受學三禮周武帝令皇優四皓然後能調護青闈

太子服青襟受學於正號為夫子儒者榮之

行嚴師問道之禮

元稹字微之願令皇子洎

諸王齒胄行嚴師問道之禮輟禽色之娛資游習之善豈不美哉

獻諭善箴

韋承慶遷太子賢司

議郎儀鳳中詔皇太子賢監國時太子頗近聲色承慶上書諫又為獻諭善以箴太子善之

以五事

諫晉江統為太子洗馬太子頗好遊宴或闕朝侍統以五事而諫之

妙選人望

唐貞觀初置太

子司議郎妙選人望以來濟為之仍兼崇文館直學士

搜訪賢德

見輔儲官注

選有才

學

見選端士注

皇朝事實宮寮

晏公類要云云

儲局

宮邸

並晏公類要云云

繼照堂

在開封府東首宗尹京日射堂

資善堂

在元符觀南大中祥符八年置仁宗隸學之所

慶寧堂

英宗潛邸有閣藏
御覽經籍續會要
睿成宮
元祐元年詔神宗所居東
宮改為睿成宮續會要
龍

德宮

元符三年詔賜名龍德宮
是為徽宗舊邸續會要

司馬名重

王定國聞見
錄神宗諭執政

曰延安郡王可出閣當議官僚乃曰司馬先名重宜為
官官乃漢羽翼之謂如呂公著孫文皆可任之後當擇
功臣子弟如文貽慶可洗馬之類
晏殊謹厚
言行錄
子所謂大家巨室足以取重東宮矣
晏元獻
公殊為館職時天下無事許臣僚擇勝飲晏公貧甚不
能出獨家居與昆弟講習一日選東宮官忽中批除晏
殊執政莫論所因次日進呈上諭曰近聞館閣臣寮無
不嬉遊戲賞彌日繼夕惟殊杜門與兄弟讀書如此謹
厚正可為官官公既受命得對上面諭除授之意公曰
臣非不樂燕遊者直以貧無可為之具上益嘉其誠實
知事君體眷注日深
王韓皆厚德之士
言行錄神宗就
仁宗時卒至大用
邸英宗命韓魏

公擇官僚用王陶韓維等皆厚德之士王一日侍坐內侍以宮樣靴進維曰王安用舞靴神宗亟令毀去嘗引疾請郡將去王府採東平樂善之語為贊以獻慈聖垂簾諭宰臣曰諸王仁孝日間皆卿等擇宮臣所致宜召至中書

范朱極天下之選

趙鼎事實一日上語鼎曰欲令孝宗御諱出閣選官教之

且就禁中置學館便建資善堂庶幾正當鼎乃與同列議選范冲朱震為翊善朝論以二人為極天下之選上謂鼎曰臺諫語及資善之建皆曰如朱震范冲天生此二人為今日資善之用可謂得人矣

中書褒

諭

見王韓皆厚德之士注

採東平樂善語為贊

見上

上謂得人

見上

注誦韓愈諫建封書以諷

言行錄陳俊卿公在普安郡王邸每當講必傳經啓沃王

深器之一日王習毬鞠公微誦韓愈諫張建封書以諷王即為誦全文不遺一字公退而喜曰王聰明而樂諫

社稷之福也
作渾天儀以勉學
樓攻媿集黃裳為嘉王府翊善因王誕日乃作渾天儀以

獻為歌詩勉王進
初置翊善贊讀
資善堂翊善贊讀紹興五年六月初置以

命朱子開范元長孝宗以建國公就傳故也其後孝宗出閣就第而信王幼亦命近臣踵為之開禧元年皇子

初封榮王命程少逸兼贊讀少逸以祖諱辭乃命趙子中兼領其不稱王府而以資善繫御蓋以未出閣之故

羣書精語三妨儲
三妨儲隸五塵朝散
敬詢端輔
李

甫承華箴曰思皇
審諭之任輔導之官
于志寧書鄧禹茂則敬詢端輔

之任疏受宿望
師友必天下英俊
漢地節中許伯使其始除輔導之官

子家疏廣曰太子國儲副君師
文詞高於甲觀
晏公類友必天下英俊不宜獨親外家

前賢詩詞薄宦奉儲明

唐褚亮詩薄宦奉儲明

託身承華側

陸機赴洛

詩託身承華側撫劍遵銅輦注銅輦太子車也

太子詹事

秦官應劭曰詹省也給也漢因之掌太子家位在長秋上成帝省魏復置詹事領東宮衆

務後魏有太子左右詹事隋開皇收置詹事唐置詹事府掌內外衆務糾彈非違總判府事置少詹事以貳之龍朔改端尹少尹咸通復垂拱改宮尹神龍復通典本朝東宮官有詹事仁宗神宗欽宗升儲皆置詹事二人多以他官兼充及登位亦省兩朝國史志職名云

歷代事實儲端

沈約齊安陸碑曰儲端任顯東西兩晉茲選特難注云儲端謂太子詹事也

宮端

分紀江總為宮端

端尹

李藩太子詹事制尚居端尹之榮

龍樓上寮

白集宋榮

制宮坊清班

白集行張偉除詹事制云

清操過人

北堂書抄晉中興書太原王恭領詹

事學問清操過人

儲端華重

分紀梁陸倕除詹事免讓表云儲端華重實異常司

彈肅一

宮

北堂書抄王珉答徐邈書曰詹事彈肅一宮如尚書令中丞也

總務宮端

唐太宗詔令李寬太

子詹事冊弼諧儲副必俟總司之任

見妙東材賢注

弼諧審諭

李綱字文紀為太子詹事綱在東宮太子建成尤加禮太子嘗遊有進魚者太子使膾之唐儉趙元楷自言其

能太子曰操刀膾脰和鼎味公等善之若弼諧審諭固屬綱矣

弼諧儲副

見總輔官端注經授

太子

漢書孔霸字次孺宣帝時以經授太子為詹事也

四上書諫

唐姚珉遷詹事兼左庶子

節愍太子稍失道珉凡四上書諫中宗嘉歎焉

妙東材賢

晉起居注武帝以王恭為丹陽尹領太子

詹事恭讓表曰今日王儲始建四方是武總
司之任崇替所由宜妙東材賢盡一時之勝
類要晉謝琰征荒有功為
輔國將軍領太子詹事
弼率太宗謂曰我兒新登儲貳卿舊
長史故有此除雖屈階資可勿怪也
太子詹事銀卒兄
代弟為詹事云

自叙輔弼非材

陳後主在東宮欲以江總為太子詹事
令管記陸瑜言於孔奐奐曰江總有潘

陸之材而無園綺之實輔弼儲貳竊謂非材後主深以
為恨乃自言於宣帝帝將許之奐乃奏曰江總文華之人
今皇太子文華不少無藉於總如臣愚見願選敦重之
才以居輔導帝曰誰可奐曰都官尚書王廓代有懿德
立性敦敏可以居之後主時在側乃曰廓王泰之子不
可居太子詹事奐又曰宋朝范曄即范泰之子亦為太

子詹事後主國爭之
帝遂以總為詹事

羣書精語戚貴西京風嘉東國

齊孔稚圭讓詹事表云
皇太子霞騫青殿日晃

春宮駕紫谷之英振洛篳之響自非罷上白雲韻同明
月何以延芳芝苑挿羽瓊條竇嬰戚貴於西京陸暕風

嘉於東國伊人漢禮峻於竇卿晉榮歸於謝琰

唐大詔
令李寬

太子詹事冊漢朝選德禮扶峻於
竇卿晉代任賢光榮歸於謝琰

肅事東朝

嗣許王太
子詹事制

云彈違是屬宜
肅事於東朝

太子左右庶子

周太子之官有庶子官職諸侯卿大夫
士之庶子之倅掌其戒令與其教治庶

子猶諸子也周禮諸子之官司馬之屬也秦置中庶子
負漢太子少傳屬官有庶子後漢有中庶子官負五人

歷代建置不一然皆以庶子名官本朝東官官有左右庶子舊制不常設儲闈之建隨宜置官以備寮案多以他官兼領仁宗神宗欽宗并儲並置二人見四朝志乾道中庶子諭德除左不除右見職源七年詔庶子諭德輪日入宮仍隨日供故事

歷代事實左中護

唐龍朔二年改門下坊為左春坊典書坊為右春坊左庶子為左中護右

庶子為右中護

見上

沈靜履素

晉起居注武帝咸寧元年詔皇甫謐沈靜履素守學

好古其以謚為太子中庶子

清白有節

魏志鮑勛清白有高節知名當世為中庶子在東宮正色

不撓以肅敬稱

前漢王商字子威為太子中庶子以肅敬見稱

有正始風

齊書袁粲言於

帝曰臣觀張緒有正始遺風宜為官職後轉中庶子

有志行

武帝以傳喜有志行拜為太子中庶子

端居守道

趙宗儒字秉文罷相為右庶子端居守道德宗聞而嘉之遷吏部侍郎召見勞之曰知卿

閉關六年故有此拜

通詩

馮野王通詩以父明詩易任為太子中庶子

明詩易陶氏家傳仇遷中庶子曰

君少而好學善談玄理尤明詩易以好學聞於時儲選殊難其人特召君焉

該識舊典

肅宗在東

宮孔寅為中庶子于時中興庶事草創寅經學滋博又該識舊典朝儀軌制多取正焉由是明章二帝並親愛

之東宮顯職

齊王假與山濤太子中庶子東宮顯職加以侍接左右誠宜得篤粹有行之人必允

重儲職為重

郭子儀家傳曰詔以公弟為左庶子公上讓表曰況儲官命職中庶為重官最

親密

吳志孫登為太子時太傅張溫言於孫權曰夫中庶子官最親密切問近對宜用為選於是乃用陳

表為中庶子

一宮要任

晉起居注云武帝置中庶子四人一宮要任

八舍之職

環濟

要畧云庶子

謂八舍之職

輔相東禁

常衮庶子

奉翊儲后

柳宗元為

行狀云拜右庶子奉

翊儲后修其宮政

管綜門下

王珣啓以桓譚為太子

之美中庶子管綜門

下不可不得其才

官主調護

李綱事隋為庶子綱

太子家

班彪牋云竊見國家故事選公

俾尹宮坊

陸集

輔左庶

子制

日直東宮

劉洎字思道唐太子叔洎與

箴

晉溫嶠為中庶子獻

侍臣箴甚見補益

撰諫苑

類要于志寧為右庶子

匡救撰諫苑二十

卷諷之太宗大悅

作贊道賦

李百藥為右庶子作贊道

援古義規諫

蜀志後主立太子璿以霍弋為中庶子太

子好騎射出入弋援引古義盡言規諫甚

得切磋之體

非為弄臣

隋劉行本為左庶子太子嘗得良馬令行本乘行本正色而進曰至尊置

臣於庶子之位者欲令輔導殿下以正道非為殿下弄臣太子慙而止

授太子經

歐陽地餘字長

賓為中庶子授

進藥石之言

高季輔為右庶子上疏一切諫時政得失特賜鍾乳一

劑曰進藥石之報

輟卿以佐太子

杜正倫帝詔正倫曰吾兒幼未有就德我常物

物戒之故輟卿

以太守叅

山公啓事中庶子闕宜得俊茂者欲以濟陰太守劉儀城

陽太守石

以宰相兼

宋璟以宰相兼庶子

久留承華

陳書王瑒父冲嘗為瑒辭

領中庶子文帝謂冲曰所以久留瑒於承華正欲使太子微有瑒風法耳

遷中書令

房喬方太宗入

春官拜太子右庶子貞觀初遷中書令

皇朝事實參典機密

言行錄晏元獻公殊字同叔遷左庶子公既佐佑東宮真宗所以諮

訪多以方寸小紙細書問之由是參以諫議兼東都事

典機密凡所對必以其藁進示不洩

避傳避字順之仁宗為皇太子遷右諫議大夫兼右庶子又為賓客既而兩府大臣皆領東宮官遂換太子詹

事以判官兼東都事畧楊徽之傳徽之字仲猷真宗為開封尹妙選僚屬召徽之為府判官兼左

庶子 羣書精語俾同三令之班 唐休璟自夏官尚書授右庶子制宜輟五曹之務俾同三

今之 委戈執笏入賓皇儲 南豐集晉陸禕碑委戈執笏入賓皇儲 仍參翼

贊之榮 唐休璟右庶子制巨源 列位龍樓 唐大詔令諸老仍參翼贊之榮

宋中錫制

前賢詩詞寄言東曹長

白集寄皇甫庶子云寄言東曹長當知幽獨心

太子左右諭德

唐龍朔二年置左右諭德各一人掌諭太子以道德其內外之政有可為規諷

者隨事而贊諭焉國朝東宮官有左右諭德建儲則置否則闕仁宗神宗欽宗升儲皆置三人並他官兼四朝志乾道中置一人惟除左不除右七年詔庶子諭德輪日入宮仍隨日供故事孝宗會要

歷代事實東寮

唐德宗拜崔苐為諭德苐對東宮曰臣不識朝廷典故見殿下合稱臣否東宮

曰卿是東寮清班優秩白集元稹制云東宮之有諭德猶上臺之有騎省清班優秩所選非輕

猶上臺之騎省

注上東朝諭導

杜牧除郭

申贊諭之美

白居

易集行崔承寵制云就列宮坊中贊諭之美

皇朝事實忠實可大用

言行錄仁宗在東宮魯質肅公宗道為諭德一日真宗召使者

及門而公不在移時乃在肆中飲歸中使遽先入白乃與公約曰上若怪公來遲當託何事公曰但以實告中使曰然則得罪公曰飲酒人之常情欺君臣子之大罪中使嗟歎而去真宗果問使者具如公對自此奇公以為忠實
楊礪兼東都事畧**礪**字汝礪真宗為襄王以礪為記室王甚重之東宮建兼右諭德
真宗即位召入翰林為學士
陳薦擢東都事畧**陳薦**字彥升神宗為翰林為學士
為皇太子
推右諭德

太子侍讀侍講

唐太宗為晉王府有侍講及為太子亦置焉其後或置或否開元初十王宅引

辭學工書者入教亦為侍讀職林分紀向無侍讀聖朝始置焉職林神宗升儲置侍讀侍講各一人會要乾道

七年禮部太常言討論東官開講儀官僚遇講讀詹事以下至講讀官上堂並用賓禮參見如延英儀講罷復會要

歷代事實儒素見稱

晉王紹宗遷祕書少監仍侍皇太子讀書紹宗性澹雅以儒素見稱

當時王廷之士咸敬慕之

當世仲尼

王起宗文宗時為皇太子侍讀號當世仲尼

讜言直

氣

唐呂元英為同州刺史及中謝論奏辭氣激切上嘉之謂宰臣曰呂元膺有讜言直氣宜留給事左右仍

兼太子侍講

學問操履

國史孝宗乾道七年以劉惇為國子司業兼太子侍讀先是上謂輔臣曰

古人以教子為重其事備見於文王世子須當多置僚屬博選忠良使左右前後罔匪正人不然一薛居州亦無益也又曰舊來官屬幾人虞允文等奏詹事二人庶子諭德兼講讀者二人上曰宜增置二員誰可當此選

者允文奏李彥穎劉煇二人上**借御書讀**李敬玄博覽

曰煇有學問彥穎有操履皆好**借御書讀**羣書高宗在

東宮馬周啓薦之召入崇賢館兼領侍讀仍**授經講業**

唐蕭德言博涉經史尤精左氏春秋好屬文晚年尤篤

志於學每開五經必盥濯束帶危坐對之高宗為晉王

詔德言授經講業及**博涉經史**見上**講導經學**唐百官

升春官仍兼侍讀**侍讀無常負經義輔導**憲宗謂侍臣曰凡侍讀

掌**講導經學**經義輔導者當以經義輔導太子**露門講**

論語北史儒林傳沈重字子厚天和六年授驃騎大將

子**露門教授**樂遜字遵賢保定中詔魯公弼畢公賢

論語**露門教授**俱以授業馬尋授湖州刺史還朝拜皇

太子諫議復在**五日一侍讀**陳夷行充翰林院學士

門教授見北史

日一入長生院
侍太子讀經

撰翼善記

唐褚無量玄宗在春宮兼獻
侍讀嘗撰翼善記以進之

龍樓箴

侍讀登有文學為東宮
侍讀獻龍樓箴以諷廣五位圖

王起宗字舉之
文宗時為皇太

子侍讀帝題詩太子箴以賜詔畫像便
殿又使廣五位圖俾太子知古今治亂

進毛詩纂義唐
許

叔牙少精於毛詩禮記貞觀初累授晉王文學兼侍讀
高宗昇東遷太子洗馬仍兼侍讀嘗撰毛詩纂義十卷

以進皇太子賜帛二百
段令寫本付司經局

諫觀韓子

晉庾亮字元規侍講
東宮與溫嶠俱為太

子布衣之好時元帝方任刑法以韓子賜太子亮
諫以申韓刻薄傷化不足以留聖心太子甚納焉請問

安西宮

韋溫兼太子侍讀每晨至少陽院午見莊恪太
子溫曰殿下盛年宜早起學周文王為太子雞

鳴時請問安西宮太子
幼不能行其言遂稱疾

嵩山禮聘

唐孔述睿孤隱於嵩
山德宗以諫議大夫

玄纁束帛就嵩山以禮聘述睿既承兩宮恩

徐岱字處仁充皇太

子及舒王以下侍讀承兩宮恩顧時深見親敬

玄宗在春宮張

無與比而謹慎過甚未嘗洩禁中語

說諸無量俱為腰輿無量為侍讀公年老為造腰特賜

侍讀深見親敬

廐馬

孔述睿德宗以禮聘述睿既至特賜第宅給以廐馬

開經必盥濯

唐蕭德言事見前授

業講經注

皇朝事實忠義剛正

楊長孺奏狀臣楊萬里以忠義剛正受知孝宗皇帝淳熙間御筆親

推先臣為太子侍講凡先臣有所奏陳嘉納如遷右補

闕

東都事畧郭贄傳太子任京尹得侍讀藩邸太宗擢

即位擢贄著作郎兼皇太子侍讀遷為右補闕

擢

工部郎

同上孫固傳神宗為穎王以固侍講王府東宮建為太子侍讀神宗即位後擢工部郎

羣書精語翊弦誦於青闈

唐大詔令許敬宗冊翊弦誦於青闈彰長纓於鶴籥發

揮啓迪執經尊道

先天命張說等兩省侍臣講讀勅朕往在儲副旁求儒雅則張說褚无量

等為朕侍讀威能發揮啓迪執經尊道

左右春坊東宮之務歷代以中庶子領之

北齊有門下坊庶子領之

典書坊庶子領之隋門下坊置左庶子典書坊置右庶子唐龍朔中改門下坊曰左春坊右庶子中允司議郎左諭德左贊善大夫崇文館學士校書郎洗馬文學校書正字等隸焉典春坊曰右春坊右庶子中舍人太子舍人右諭德右贊善大夫太子通事舍人家令率更令等隸焉國朝建儲闈即置仁宗神宗升儲並以內臣為

左右春坊勾當左右春坊事中興不置孝宗乾道元年
立皇太子置左右春坊二貲同左右春坊二貲孝宗會
要注又朱文公語錄或問東宮官屬曰唐六典載太子
東宮官制甚詳如一小朝廷置詹事以統衆務則猶朝
廷之尚書也置左右二春坊以領衆局則猶朝廷之中
書門下省也左右春坊又皆設官有各帥其屬之意崇
文館猶朝廷之館閣贊善大夫猶朝廷之諫議大夫其
官職一視朝廷而為之隆殺此等制度猶好今之東宮
官屬極苟簡左右春坊舊制選賢德者為之今遂用武
弁之小有才者其次惟有誦讀數貲而已如贊善大夫
諸官又但為階官非實有職業神宗以唐六典改官制
當時亦有不曾討論者如東宮官屬之不備是也舊嘗
入一劄子論東宮官制疎
畧宜倣舊損益之不改

歷代事實青宮列局

續通典太和四年左庶子孫革
奏云云青宮列局護翼元良

皇朝事實備儲坊之采

胡文恭行
趙沐制云

資善堂翊善贊讀

官制總說

資善堂翊善贊讀紹興五年六月初置以命
朱子開范元長時孝宗以建國公就傳故也

其後孝宗出閣就第而信王幼亦命近臣踵為之開禧
元年七月皇子初封榮王命程少逸左史兼贊讀少逸
以祖諱辭乃命軍器監趙子中夢極兼領其不稱
王府而以資善繫銜蓋以未出閣之故朝野雜記

皇朝事實極天下選

見前總東官官范
朱極天下之選注

資善堂小學授

皇朝事實陳正言正道

樓政媿集妻機字彥發謚忠簡
為資善堂小學教授時皇太子

為惠國公曰陳正言正道又以累朝事親修身治國愛民四事手書以獻置之左右朝夕觀省周旋四載不懈益虔同寮予告公每當之首尾如一日擢監察御史請未退而命已頒國公懋德幾不忍舍公亦為之感泣

發端

擢用真儒

光奉宸綸

輟從貳卿

起聯

元良以正知國家有道之長翼衛既隆信宗社無窮之福

選用正直符三代有道之長翊衛元良信萬世無窮之福

警聯

漢景帝之於寶嬰徒崇禮秩唐太宗之用李勣謾屈階資

紫宸持橐方允賴於論思
天方啓於元良
朱邸談經正有資於衛翼
時正需於調護

或資羽翼之成
必盡言如霍氏得切磋之體
或蒙藥石之報
必獻箴如溫嶠有補益之稱

太子正而天下定允資翊衛之賢
有德進而朝廷尊增重元良之勢

奉祠真館世高沖退之風
置尹儲官帝有顯明之命

雖賢聖仁孝聞天下稟於岐嶷之資
必左右前後皆正人助其緝熙之學

自昔孔霸之授經漢嚴是選
厥後王恭之遜表晉缺其人

伯夷之清伊尹之任至夫子而大成
召公為保太公為師宜成周之能久

方南國教明笑指梅花而歸去
適東宮位正屈從芝嶺以來游


朝夕論思日月獻納久陪黃屋之游心
春秋禮樂冬夏詩書庸弼清宮之毓德

燕翼之謀尤重
龍顏之眷益深

結聯

庶子同三令之班暫茲養望
宰相為百僚之長行矣登庸

既招四皓於商山用成羽翼
行立三公於周室兼理陰陽



翰苑新書前集卷二十九

欽定四庫全書

子部

翰苑新書前集卷

三十五
三十二

詳校官中書_臣康綸鈞

主事_臣祁韻士覆勘

總校官知縣_臣楊懋珩

校對官中書_臣汪學金

謄錄舉人_臣陳煜

欽定四庫全書

翰苑新書前集卷三十

大宗正司

判大宗正

本朝仁宗景祐三年初置續會要以皇兄江寧軍節度使允讓即濮安懿王皇姪彰化軍

守後節同知大宗正事實錄時宗室子孫衆多聚居大第故於祖宗後各擇一人知宗正事令叙睦之違則糾其失焉實錄英宗治平元年詔宗室之盛數倍於前而宗正司事亦繁多乃增置同知大宗正事一員選宗惠為之詔畧曰夫明德以親九族正家而刑萬邦古先哲王罔不由此朕嗣守丕業率循舊章惟皇屬之敦和命宗臣而董正念其性本於仁厚宜廣學以勤修顧其日並於衆多必增員而統理庶乎協贊其職並脩厥官式孚

于休以副予意會要元豐官制竹詔太宗正司不隸六曹
太宗正以宗室團練使以上有德望者為之次一人
為同知位高屬尊者為之判掌糾合族屬而訓之以德
行道藝受其詞訟而糾正其愆違有辜則先劾以聞法
例不能決者同上殿取裁凡宗室服屬遠近之數及其
賞罰規式皆總之屬有記室一人掌牋奏講書教授十
有二人分位講授兼領小學之事四朝志知太宗正事
用太祖太宗之屬近行尊者為之率以近官至王相者領
馬渡江後頗用南班多不得人無以表率更生刻削宗
室皆患之淳熙初宗正官缺趙溫叔言崇宣簡公不息
之賢自江西運判召為右監門衛大將軍忠
州防禦使知大宗正事非常例也朝野雜記

歷代事實都領宗正之務都領宗正之務

皇朝事實定讀書賞罰規式

四朝國史治平元年月判
太宗正事允弼言詳定到

皇親讀書等賞罰規式
詔依所定次第施行
掌教法政令
神宗正史職官志

教法政令以行藝訓導而敦睦
之受其辯訴之事而糾其失
擇人敦睦
見賜鞍馬注
位高

屬尊
見官
屬近行尊
朝野雜記知太宗正事仁宗始置
用太祖太宗之後屬近行尊者各

一人於是首命濮安懿王為之
自是率以近官至王相者領焉
言天下事
朝野雜記淳熙初宗正官

缺趙溫叔言崇宣簡公不息之賢自江西轉運判官召
為右監門衛大將軍忠州防禦使知大宗正事非常例

也不息字仁仲中進士第所至有聲積官昭
慶軍承宣使在宗司數言天下事上甚重之
公子司宗

四朝國史宗景傳元豐七年以宗景知大宗正事先是
宗景父允弼司宗久故神宗復選而用之使諭其母先

王久司宗正德及皇族今命
而子繼之夫人宜多慰也
賜鞍馬
仁宗實錄皇祐三

正事守節同知大宗正事仍賜襲衣金帶鞍勒馬時宗
室子孫衆多方聚居於大第故於祖宗後各擇一人令
敦睦之違失則糾正焉凡宗建親賢閣四朝國史仲忽
室奏陳先委詳酌而後聞傳入判大宗正
事徵宗賜之甲第建親賢懋功之閣以示寵仲忽
鯁亮端毅動循禮法立宗司法式後人視為定

羣公精語典司屬籍

東坡除宗晟制典糾正宗支元厚

宗伯制內以訓齊屬籍

又除宗景總訓齊董正宗籍正

獻集賜董司宗謀

文恭賜長治公族

曲阜集賜同知宗

朕既得宗室老成屬之長治

九族治正之風成賴九族

正之治創宏規於文祖

除宗晟制崇叙訓司我本支胡文

齊創宏規於文祖司我本支恭行

宗懿制云惟時賢亮司我本支首秉宗司文恭賜允弼詔宗臣董正見官董大

宗之秩曾子宣除宗晟制選諸近屬之尊董我大宗之秩

知大宗正丞本朝熙寧三年置丞三員以異姓朝臣充神宗疑用異姓王安石言前代宗正固有

用庶姓者乃錄春秋時公族大夫事神宗曰此雖無前代故事行之何害安石曰聖人創法不必盡循前代所已行者顧事理何如耳於是召稚圭對而命之並四朝志元豐五年詔大宗正丞中書省奏差以文臣京朝官知

皇朝事實晉丞瑤籍慶元制贊治公姓曲阜集知大宗正丞崔公慶制

云贊治公姓人無間言得存心養性之學中興繫年錄曾恬少尊事楊時謝良佐陳瓘得

存心養性之學及為大宗正丞秦檜專政議論有前輩

士方求媚以取要官而恬自守無所詘

之風言行錄田畫字承君人物雄偉議論慷慨俱有前輩之風入為大宗正丞宰相曾布欲收置門下不能

宰相不能屈見上自守無所屈性見得存心養上宗寶

五事舉賢才以強本支更法制以除煩苛擇官司以專

訓導繼封爵以謹傳襲脩圖牒以辨親疎詔內外從官各舉宗室一人始立法大嚴學官久闕襲封之典遂廢

宗正有寺無官故倂言以異姓為制見官之時用倂議惟襲封食

西南外宗正司本朝崇寧元年蔡京申請宗室既許分居兩京輔郡乞於兩京置外宗正司擇宗室

賢者管幹逐處一人仍于本州通判職官內選二人兼領丞簿凡外任宗室事下于州縣者外宗正受理大觀

三年罷政和二年復置中興南渡後南外置司泉州西
外置司福州丞係倅兼簿係簽判兼紹興府亦有宗正
司乾道七年省紹興府宗司隸
行在中興會要 孝宗會要

知西南外宗正司

官制
見前

皇朝事實考實文藝

續會要政和三年知西外宗正事
士陳奏廢兩京睦宗院宗子有文

藝行實衆所共知者
宗正考實文藝以聞

訓齊糾正

慶元制爰俾訓
齊往分糾正

鈴束

訓導

中興會要紹興二十六年七月知西外宗正事士
術言西南兩外宗司相去不遠鈴束訓導事體一

同有未便者理有商議望許兩司
官每年一次往來商議職事從之

雙月雙日

中興會
要隆興

元年刑部言大宗正司奏犯罪宗子雙月送
西外隻日送南外本部看詳欲依所乞從之

西南外宗教

前漢元始五年於郡國置宗師以糾皇室親族世氏致教訓焉選有德義者為之有

冤失職者宗師得因郵亭上書西漢紀唐武德三年詔天下每州置宗師一人以相統攝類會本朝國初闕崇寧初蔡京申請置外宗外有敦宗院又云今置學立師為量試之法大觀元年南外敦宗院太學教授張焄以宗子釋褐教養有方特轉一官是時距置敦宗院才五年意宗教必置於崇寧之初大觀三年罷詔曰比置院於別都增學于宮邸廩其無祿而教養其未命者累年于茲宗子之在別都或輕犯法吏弗能禁民以為擾師儒之官殆相倍蓰而就學者寡官冗而事繁宜有裁適應兩京敦宗院并官吏并罷政和二年復置宣和三年增置西南外敦宗院教授各一員又有博士正錄中興以後惟置宗教

皇朝事實宗師

見官制

由庠序之教

政和詔曰宗族蕃衍詔有司分食兩京為

立廩稍之格由庠序
之教朕心庶幾焉
不附秦檜誠齋集陳正獻公俊卿舉進士第二授泉州察

推秩滿故事當入館學時相秦檜察
公不附己以為南外睦宗院教授

睦宗院本朝崇寧元年宰臣蔡京請宗室非袒免親以下兩世欲分於西京南京近輔或沿流便郡居

止每處置敦宗院差文武臣各一員管幹續會要中興
南渡南外居泉州西外居福州光宗即位改為睦宗院

皇朝事實置院別都大觀詔曰比親睦宗族崇寧五年

宗院所以親睦
宗族愛養孤幼

四六警語司宗典籍

發端疏詔東平鎮領房山
展親西外司宗雖邸

起聯

大君有命申頒寵渥之親
伯臣司宗無越者英之舊

王曰叔父立愛始於家邦
汝作秩宗受祉施於孫子

斂衽詩壇久標古錦囊之譽
橫經宗校獲依青藜杖之光

弭節西臺正仰長庚之次舍
司文南邸獲分太乙之光輝

伯父心在王室自宜與四輔以通班
天屬生於聖時爰與第一人而為長

警聯

瓊編瑤牒儼帝子之冠簪欲信厚之成風
袞衣繡裳本公家之衣鉢宜訓齊之遠選

周之宗盟誰若滕侯之長爰以東平之善
唐之宰相豈遺德裕之賢遂司南外之盟

典周室之宗盟宜游司於麟趾
為劉氏之祭酒行入對於龍光

吉驍聯陰何幸知為高帝之子孫
異日相逢儻備梁王之賓客

王府官屬

王府翊善

國朝太平興國四年置翊善一人續會要孝宗初就傅范元長以待制兼資善堂翊善自

是率以從官為之其後親王府不復除第以朝士兼贊讀直講而已淳熙末寧宗在嘉邸留丞相始薦用黃文叔自秘書除翊善不為兼官非常制也其後文叔遷起居舍人歷中書舍人給事中皆兼翊善是以從官兼七品之職矣

朝野雜記

歷代事實曳王門裾

前吳王渾陰有邪謀鄒陽上書諫之曰何王之門不可曳長裾乎

入子鸞府

宋武帝時殷淑儀寵傾後宮子始平王子鸞變冠諸子凡為上盼遇者莫不入子鸞府

南山秀望

晉中興書顧榮傳時在洛者惟陸雲陸機及榮三人而已機雲雖有詞藻不及榮也以南

山秀望補吳

大山小山

前漢淮南王安為人好書招置賓客數千人八公之徒咸慕其

德各竭材智著述篇章分其詞賦以類相次或稱大山小山猶詩有大雅小雅也

西邸得人陵

王子良開西邸招文學沈約蕭珠王融謝朓陸倕范雲任昉等游焉當世號為得人

外府

南史王勵美風儀博涉書史仕梁為河東王功曹王出鎮勵將隨之藩張纘時典選勵造纘言別纘

見其風采乃曰王生才地豈可遊外府乎奏為太子洗馬

皇朝事實論脩身治國

周益公集張忠簡公闡子大猷公莊重出於天性誠信濟以學

力在王邸讀資治通鑑至修身治國必反復擇耆德方誦說壽皇每嘉納暇日賜札和詩恩意綢繆擇耆德方

正國朝大中祥符九年以張士遜崔遵度並充壽春郡王府賓友時王將受經擇耆德方正有學術者為府

官士遜時為河北轉運使雅素清謹遵度力學有士行指紳目為長者即召士遜等赴闕而並加命焉國

罷東都事略邵尤傳尤字興宗為穎王府翊善召對羣王殿英宗訪以世務稱之曰學士真國器朱范

極天下之選事見東宮作渾天儀以勉學事見東宮官屬門諫

假山長編姚坦為益王府翊善王嘗作假山召僚屬置酒觀之坦獨俛首不觀曰但見血山安得假山王

驚問對曰坦在田舍時見州縣督稅捕人鞭笞血流滿身此假山皆民租賦所出非血山而何太宗亦為假山

未成有以坦言告於上者上曰以度支充國朝治平三傷民如此何以山為亟命毀之以度支充年以尚書度

支郎中王稷臣直集賢院充穎王陶為東都事畧王陶王府翊善令於皇子兩位供職王陶為傳陶字樂善皇

子初王淮陽後王頴皆為翊善

輟為諫官

同上邵亢傳英宗諭頴王曰以

出道帝語遂以制誥知諫院

羣書精語申翌宗藩

胡文恭行王渙制云申**竭誠親邸**

胡文恭行向士安制

名宦不為不遇

白樂天文乘朱輪於華邸曳長裾於王門名宦不為不遇

王府贊讀

國朝徽宗政和七年張大亨奏竊見講讀之官天子謂之侍講侍讀而在諸王者亦有侍

講侍讀官號比擬稱謂相素詔諸王府侍讀改為贊讀侍講改為直講續會要

歷代事實經佐

唐太詔令姚元之制**德業優深**隋楊汪

為周冀王侍讀王甚重之每曰**文學俱長**徐摛字士秀揚侍講德業優深孤之穆生也高祖謂周捨

曰我求一文學俱長兼有行者欲令與晉安王緯遊處
捨曰臣外弟徐摛形質陋小若不勝衣而堪此選高祖
曰必有仲宣之才亦無問
其容貌乃以摛為侍讀
有仲宣之才注上朱門閉影陶梁
洪景為諸王侍讀雖在朱門閉
影不交外務惟以披閱為務
從容經席曰桂山徐
字將道更潞沛豫周諸王
侍讀四王之門從容經席

皇朝事實談經王府

淇水制談經王府揮玉塵以雍容

義兼師友

東都略

蔡挺章兄抗字子直為潁川郡王伴讀英宗在藩邸罷
重之請於濮安懿王願得與遊每見抗衣冠盡禮談經

王府

羣書精語清切蕃房寂寥舊草

類要謝朓賡清切蕃房寂寥舊草

王府

直講

國朝太平興國四年別置侍講以常參官充政和七年詔改侍講為直講詳見贊讀

歷代事實師範磐石

元和冉太子赦其歸登呂元膺宜侍講承華師範磐石可充太子諸

王侍講

皇朝事實德行宜左右

四朝國史鄭穆字閔中為嘉定二王侍講府寮缺員御史陳襄

請擇人神宗曰如鄭穆德行乃宜左右王也凡居館下三十年在王邸一紀非公事不至執政之門講說有法

可為勸戒者必反復

校九經正義

東都事略孫奭傳奭字宗古為諸王府直

講校正義

職在訓導

續會要大觀二年定王嘉王府侍講沈錫奏真宗皇帝時以張士遜

為王友命王答拜以示賓禮令講讀輔翊之官職

勸講

親賢

李洪水制勸多所裨益
李浩行狀公字德遠兼恭

益且因事以及時政書之於冊上或見之王亦愛重
公他日補外累年乃歸王聞之欣然曰李直講來矣
孫

夷賜紫

至道二年以孫夷為
諸王府侍講賜紫

王府記室

宋自明帝以後皇子皇弟雖非都督亦置記
室參軍隋皇伯叔昆弟皇子是為親王府置

記室參軍唐因之六典通典本朝太平興國中置
政和中以參軍行軍之際所稱詔除去參軍字

歷代事實掌表啟書疏

職林漢三公及大將軍皆有記
室令史主上表章奏報書記魏

太祖輔漢以陳琳阮瑤管記
室軍國書檄多二人所為

辨軍符府檄

職林房喬為
秦王府記室

征伐未嘗不從居府出入十年軍符府檄或駐馬即揮
文約理盡初不著稿高祖曰若人機識每為吾兒陳事

千里外猶對面見上辨軍符府檄注陳事千里猶對面見上辨軍符府檄注明珠兼乘未若

一言

唐職林薛收字伯褒為天策府記室嘗上書諫王止畋獵王答曰明珠兼乘未若一言

兄弟

同掌機近

唐職林溫大有字彥將唐初攝大軍府記室與兄大雅同掌機近

河東三鳳

職林薛元敬薛收及族兄德音齊名世稱河東三鳳收為長雖德音為驚驚元敬年最少為鵷雛武德中為記室元敬謹畏未嘗申款曲於房杜如晦嘆曰小記室不可得而親不可得而疎

皇朝事實謹恪有守

太宗雍正二年以王龜從等並為陳王韓王冀王府記室參軍太宗

諭龜從等曰諸子生長深宮未知世務必資良士贊導為善使日聞忠孝之道卿等皆謹恪有守故茲謹選士之宜勉靜重有規矩曲阜行辛雍制維朕叔父為時賢王宜得良士使從而遊以爾樸茂靜重

有規矩較自奉
常往司管記

自處澹如鄭雍傳雍字公肅元豐中為
皇弟嘉王府記室參軍在王

府幾十考不遷而自
處澹如士論益重

斥巧言令色楊文公談苑實稱為
晉府記室賈琰為判

官每諸王宗室晏集琰必怡聲下氣褒讚捷給稱
叱之曰賈氏子何巧言令色之甚獨不懼于心邪士安

行優言行錄畢文簡公士安字仁叟兼冀王府記室參
軍端拱中詔王府官各上所為文帝問近臣曰文

吾既知之其行孰優皆以公對見靜重有
帝喜曰是也以本官知制誥往司管記規矩注贊

導為善見謹恪陳拜起進趨之節四朝國史傳神宗封
淮陽王賴王韓維皆

為記室參軍王每事咨訪維悉心以有直諫多聞之益
對至拜起進退趨揖之容皆陳其節

初察除李彌大制朕以賢王將就外傳維茲僚屬歷選
在廷庶幾朝夕正士之親先有直諫多聞之益擢參王

府蓋莫
汝宜

論聖人不可有功名心

韓維傳維字持國神宗初就外傳以維為王府

記室神宗嘗與維論天下事語及功名維曰論聖人功名因事始見不可有功名心神宗拱手稱善作富

貴箴

孫覺傳字莘老遷昌王府記室王禮之因以史館問終身之戒覺為陳諸侯之孝作富貴箴以史館

為

會要大中祥符五年以直史館晏殊為昇王府記室參軍

自奉常司

見靜重有規矩注

除

知制誥

見士安行優注

羣書精語擢參王府

見有直諒多聞之並注

王宮大小學教授

國朝太宗至道元年以員外郎孫蟻充皇姪皇孫教授從新號也時中書

言今皇姪皇孫是環衛之職以教授為名從之真宗咸平元年以朱昂兼南宅教授張蔚兼北宅教授嘉祐以

未置諸宮教授立講書課試規罰之法此事見紹興五年錢觀復奏疏中興會要又朝野雜記云咸平初命諸王府官分兼南北宅教授南宮者太祖太宗諸王之子孫處之所謂睦親宅也北宮者魏悼王子孫處之所謂廣親宅也英宗治平元年時宗室自率府副率以上八百餘人而教授之官六員而已因詔增置教授官凡皇族年三十以上者百十三人置講書四員年十五以上者三百九人增置教授五員年十四以下者別置小學教授十二員並舊六員為二十七員以分教之大學京朝官充小學選人充崇寧三年睦親宅及北宅廣親宅各大學小學教授一員廣親北睦親西及周王官大學兼領小學各二員大小學兼領始於此職源云靖康之亂宗學遂廢紹興復置諸王宮教授二員隆興減其一嘉定復置宗學改為博士隸宗正寺於是宗室皆得就學旋復存諸王宮大小學教授一員朝野雜記

皇朝事實都講

治平中宗室四千餘人親王置翊善侍講記室餘則遂宮院置都講教授歲時

有喜慶則燕宮政殿或太清樓

為宗室六箴

神宗實錄吳充兼吳王宮教授他官都與宗室狎無

誨道之義充獨以嚴見憚宗子相率闕廳事設講席受經英宗在藩邸心重之為宗室六箴以獻一曰視二曰

聽三曰好四曰學五曰進德六曰崇儉仁

以經義啓迪

宗命分寫遍賜皇族英宗書之座右屏

言行錄劉章字文孺紹興中兼普安恩平兩王府教授

公事王邸閱四歲暴忠寫誠以經義史學啓迪掖尊受知孝宗

陳聖賢出處之方

周孟陽嘉祐中為澤王潤王宮教授英宗辭命皆孟陽為

之贊道勤至雖家事之微無所不及又陳聖賢出處之方參以古今禍福之變以為箴規英宗悚然起拜曰往

時教授止於文章筆硯爾

正講席自申始

神宗實錄吳

今長者幸教之乃至此

爾

宗擇官教導宗室以為睦親宅都講初宗室坐序爵仍
自為賓主講官位主席之東隅申不肯坐且曰宗室當
以親族尊卑為序與講官分賓主至再移書大宗正大
宗正不能決因內朝出上書英宗是之宗室正講席自
申位教授於中中興繫年錄校書郎王十朋兼建王府
小學教授先是教授入講堂則與皇孫
始位教授於中叙賓主而教授居賓位十朋不可
王特為之加禮而位教授於中
院教授非止講習經書亦須揀選履行端慤仁諸宮
履行端慤者於是
詔諸官教授須舉士行朴厚確有經術格靜自守衆所共推者即不舉權貴親戚
會要熙寧元年五月言者謂諸王宮教授向來率用樸
學醇儒近以員多所用之人或異於前者西漢以博士
不通政事者補諸侯王傳欲令後有缺下兩制又國子
監舉有學行不通政事者充人限年五十以上庶專於

講授有益宗室詔如有缺宜令舍人院國子舉所知盡
監舉樸學純誠行義無缺義年五十以上充

天下之才

並治平三年蔡抗言欲令諸侯宮院教授有缺
並下兩制舉所知以盡天下之才詔從之

真天子門生

紹興二十五年以趙達兼普安恩王府教
授達時為禮部郎及引對上曰卿乃朕自

擢秦檜日薦士曾無一言及卿以此知卿不附權貴真
天子門生也又曰兩王方學詩冀有以切磋之達因奏

言路久壅願陛下廣覽兼聽勿以微
賤為間庶幾成敢言之氣上嘉納之除記室徐勣字元

功為越王等宮大小學
授召對除王府記室

羣書精語成童誦習經書小學通達名數

治平元年六月五日詔曰

雖王子之親必由於學惟聖人之道故能立身稽古大
猷若時至訓粵三德三行之順有四術四教之崇歷辟

承風自家刑國今一祖之後諸宗之支亦嘗著命于前
命官以訓或魚職他郎或備位終年誘導之宜滅裂無
狀蓋命不待固事遂因循特詔近臣並薦能者使成童
而上誦習經書小學之居通達名數朝夕勸善日月計
能固當漸漬簡編恪脩志業與其趨異端而無守執若
就有道以自脩居常謹思戒在中上所謂少成若天性
習慣如自然顧禮義之方須尊長之誨內有懿親
之表率外有明師之切劘懋進汝功用符朕意 朝夕

勸善日月計能有明師之切劘並見上注置在諸郎敷訓羣

言胡文恭行李恂制云云藩房授道有惠訓不倦之勤胡文恭行同安制

四六警語官僚 藩房 出綽中宸 斯朝選望
宗郎 宗藩 橫經宗郎 宗郎得師

東知帝展 天陸疏恩 種學積文久想鳳儀之舉
分教官庠 王宮蒞教 橫經授教將成麟趾之風

接駕鷺於清貫
廟堂得挺鎔之當
揭模範於懿親
宮邸惟模範之良

士林夙重於典刑
沛易楚詩稔聽師資之訓
帝胄獲親於模範
文昭武穆宜多信厚之風

洪惟帝訓學不俟於空言
必用儒英命始符于輿論

審明國計久資籌畫之長
領袖儲官政賴端方之彥

金枝穎秀允資諭教之功
玉塵雍容果稱範模之任

高帝子孫固有殊人之龍種
梁王賓客豈徒授簡于兔園

茂仙源之玉葉政藉師資
侍講席于金枝更觀盛舉

翰苑新書前集卷三十

欽定四庫全書

翰苑新書前集卷三十一

六院

登聞檢院

宋文帝元嘉九年魏主詔闕右懸登聞鼓以達冤人通鑑唐大厯十四年詔天下冤滯于

朝廷受詞推決尚未盡者聽撾登聞鼓通鑑國朝雍熙元年改匭為檢東延恩曰崇仁南招諫曰恩諫西申冤

曰申明北通玄曰招賢景德四年改為登聞檢院命樞密直學士張詠判仍差內臣監門不得闕預公事諫

議大夫掌受文武官及士民章奏表疏凡言朝政得失公私利害軍期機密陳乞恩賞理雪冤濫及奇方異術

皆受以通達凡進狀者先鼓院若為所抑則詣檢院外有理檢使令不置始於淳化二年置理檢院於乾元門

之西北廊以知制誥錢若水領之復唐制也至道三年廢天聖七年以上因請唐史見匭函達下民冤枉之事乃謂左右曰天下九州之大豈無冤枉之人若至京師檢院鼓院理雪者必是州縣官吏提點刑獄轉運使不能理雪又若不為中理則赤子無告矣乃置匭函仍專命御史中丞為理檢使以分紀會要中興之初因舊制置局于闕門之前舊在宣德門外後隸門下省建炎三年專隸諫院中興會要

歷代事實知匭

唐武后置匭四區以正諫大夫補闕拾遺一人充使知匭事

獻納使

唐天寶九載改理匭使為獻納使

掌匭之司

唐文粹李華含光殿賦云乃立掌匭之司館通事之

吏職在達下情于上

受四方之書

唐百官志武后垂拱二年有魚保宗者上

書請置匭以受四方之書乃鑄銅匭

達百姓之窮

南梁武帝紀天監元年詔于公府謗木肺石傍

各置一函百姓已窮九重
莫達若欲自申投肺石函達下情於上天

見掌函之司注

皇朝事實理檢

見建官本末

廣言路通下情

紹興十年臣寮奏疏云國家置

檢鼓院所以廣言路達下情也

居雙闕之左

中興題名自南渡以來始創治所於和寧門之下紹

興戊申復承平之以制移置雙闕之左

以匭函為檢匣

隆平集見鼓院

上東封書

真宗

實錄田錫字表聖入判登聞檢院因壽寧節獻詩二十韻太宗和賜又上東封書翌日命知制誥

上疏

論致治之本

中興繫年錄監登聞檢院呂祉字安老特轉一官守右正言社上疏論政治之本疏

入召對復進三策上嘉納既退遂有是命

守右正言

見上

命制誥

見上東注封書注

前賢詩詞獻納司存雨露邊

杜甫贈獻納使田舍人詩獻納司存雨露邊地分清

切任才賢舍人退食收
封事宮女開函近御筵

登聞鼓院

北國初曰鼓司以內臣掌之鼓在宣德門南街

用朝臣勾當自此始景德四年詔改為登聞鼓院掌諸
上封而進之以達萬人之情會要隸司諫正言續會要
凡文武臣寮閣門無例通進文字並先經登聞鼓院進
狀未經鼓院者檢院不得收接分紀建炎元年因舊制
置局于闕門之前高宗即位於南京召李綱為宰相綱
奏曰人主莫大於兼聽廣視使下情得以通今難難
之際四方休戚利害日欲上聞而士民之願効其智慮
者尤多而檢鼓院猶未置恐非所以通下情而急先務
也遂置登聞檢院鼓院於行
在便門外三年專隸諫院

皇朝事實遠大之器

東都事畧蘇軾字子瞻號東坡判
登聞鼓院英宗在藩聞軾名欲以

唐故事召入翰林宰相韓琦曰蘇軾之才遠大之器也天下之士莫不畏慕降伏皆欲其進用然不若朝廷培養之而後用也及試二館無進趨之意言行錄呂申公著論復入三等得直史館無進趨之意著謚正獻差判登聞鼓院公研精講學無進趨之意嘗與王介甫相對而歎曰今天下雖小康然堯舜之道知不可復行以故求開局將以恥走淵覲之門晦菴集李椿字壽翁監登聞鼓院遂其志恥走淵覲之門鼓院淵覲寵方盛同舍人走其門公恥賜錦袍仁宗實錄景德二年改鼓司為登聞鼓院即命周起謚安惠判鼓院會十之自引去月賜近臣錦袍特預之伊川再辭程伊川先生文集差兼判登聞鼓院先生引前說且言入談道德出願訴訟非用以匭函為檢匣隆平集云咸平改登人體再辭不受司曰登聞鼓院自是匭函遂廢天聖間復於檢院鼓院各以匭函為檢匣凡言大政闕失或訴冤未辨者

悉令檢匣以進即言涉奇邪
無得通聞置理檢使領之

羣書精語九重非叫聞之可聞

唐大詔令神龍元年申
寃制九重嚴邃非叫聞

之可聞萬邦遐曠因表疏
而方達其有寃未申投匭延不諱之書建登聞之鼓百

官言事詔太宗之御天下也持稱至理猶復旁求諫諍
俯察詆謠廣延不諱之書建登聞之鼓于時在朝無闕

政四海無疲人萬邦之事無隔於九重

同上其擊登聞鼓者委
金吾將軍收進不得輒

有傷損亦不須令人遮擁禁止其理匭使但任投匭人
移表狀於匭中依常進來不須留副本并妄有盤問止

遇萬邦之事無隔於九重以代誹謗之木

續通典寶應
元年制下自

獻替之謀不遺於聽覽也
蒸黎上及公卿並須設匭論及時政得失仰差中正清
白官一人知匭務知招其直言以代誹謗之木其匭朝

出夕

進奏院

唐藩鎮皆置邸京師以大將軍主之謂之上都後大歷十三年改為上都知進奏院官五代以

來支郡不隸藩鎮補人為者聽其置邸隸藩鎮者兼掌馬國初緣舊制皆本州鎮補人為進奏官其軍監場務轉運司則差知後官則副知掌之逐州就京師各置進奏院會要太平興國六年諸州罷知後之名簡知後官得李楚等百五十人並充進奏官命供奉官張文舉提轄諸道進奏院周益公編題監官以京朝官及三班使臣充掌受詔敕及諸司符牒辨其州府軍監以頒下之并受天下章奏按牘狀牒以奏御及分授諸司續會要中興以來隸門下後省給事中點檢訖乾道九年依舊隸後合傳報事令後省錄付報行中興會要孝宗會要又題

名云

歷代事實留邸

杜牧行賴師貞制主大藩留邸之事

闕白啟導

杜牧行景思齊制云

諸侯之任各有職貢小者得事例大者決于朝廷闕白啟導屬于留邸

皇朝事實獻文章

六一集王質字子野初以蔭補太常寺太祝監進奏院獻其文章召試賜

進士及第校勘館閣書籍

仲淹薦舜欽

東都事畧蘇舜欽字子美仲淹薦其才監進奏院用故紙

祠神為御史所糾除名時王質守陝聞之嘆曰子美之才如此士大夫不為天子惜之可傷也

糧料院

國初仍舊制以三司大將軍為都糧料使自開寶六年以著作佐郎陸光範充改用京官自此

始太平興國五年分諸司馬軍步軍為三院八年以馬軍步軍合為一院雍熙四年命供奉官陳處誨勾當諸

司糧料供奉官曾祚勾當馬步軍糧料自後復分馬步軍為兩院或以諸司使副分主之端拱二年復以京朝

官主之並國朝會要元豐末併馬步軍與諸司為二院
中興百官題名隸太府寺掌以法式頒廩祿凡文武百
官諸司諸軍俸料以券準給四朝志中興以來行在有
諸軍諸司糧料院鎮江建康有分差諸軍糧料院鄂州
有分差戶部糧料院四州總所有分差戶部魚關糧料
院分差利州戶部糧料院並與孝宗會要六院官例
以京官知縣有政績者為之故恩疏數畧視職事官而
不入雜壓紹興間胡汝明以料院除監察御史遂遷副
端乾道復相繼入臺省有宋敦書等數人而六院彌重
號為察官儲矣紹興間復入雜壓淳熙間削去近歲復
舉班在五寺簿下太
學博士上朝野雜記

皇朝事實祿鍵

紹興五年臣察言竊惟國家之賦祿以
糧審為闕鍵糧審之勘給以法令為承

式中和

老吏驚嘆

樓攻媿集汪大猷字仲嘉幹辦行在
糧料院文書盈几日不給視公間摘

一二無不切中老吏驚嘆謂未有也或言榷貨務在除

太常簿

樓攻媿集林正惠公大中字和叔幹辦諸司糧

名曰此二人佳可除職

除察院

胡汝明自料院除監察

御史為察官之儲

制見官

旁引均其稍食

禮天官宮正均其稍食

審計司

國初以三司使總邦計然案牘叢委典者不能

奏復別為院置官顯領之以聽稍食之要貳置院之初

特掌騎兵

徒兵給受之數猶未及諸司也元豐三年合

步騎兩院為一

遂以其一主諸司自宮禁朝廷下至斗

食佐史凡賦祿者以式灋審其名數而稽其亂名者唯

郊賜給已乃審祿有疑予則詔以法凡四方之計籍上于大農則逆其會凡有司議調度會賦出則訊焉舊為諸軍諸司專勾司建炎元年避高宗御諱改諸軍司審計官中興繫年錄

皇朝事實糧審為關鍵

中興會要紹興五年臣寮言臣竊惟國家之賦祿以糧審為關

鍵糧審之勘給以法令為承式未嘗登權門胡澹菴集辛次膺監諸司審計司供職行朝未嘗登

權要門參知政事孟庾被詔薦其才遂召對是日除駕部員外郎

除駕部注上

官誥院

國初於右掖門置院四司誥身案並集于此以備中書除改本司郎官各主其事淳化五年始

專置官司於省內凡官誥各以本司誥身印印之官誥院提舉一人以知制誥充判院一人以革職京朝官充元豐五年行官制文武告身屬吏部蕃官告身屬兵部封贈及命婦告屬司封加勳并將校告屬司勳崇寧四年

置造官誥局五年罷令尚書右選主管大觀元年復置
三年復罷政和三年六月詔依舊置官誥院差官二員
主管少府監鑄印記吏部製造誥
身按記為文中興以來因仍不改

皇朝事實代言手

楊誠齋集京鏗字仲遠參政龔茂良
薦公于孝宗轉主管官誥院先是茂

良帥豫章日得公牋奏之文奇之曰此汪彥章代言手
也庀職兩月詔從臣舉良縣令為執法官給事中王希

呂以公應書即召見曰卿議論通
明有用材也是日除監察御史

有用材注上科舉議

蘇頌濱集蘇軾行狀王介甫用事議論素異還朝置之
官誥院介甫欲變更科舉上疑馬公議上悟曰吾故疑

此得蘇軾議意釋
然矣即日召見

除監察御史

見代言注

四六警語

司匭
糧審

拜命九重
躋榮六院

光奉恩綸
典司廩院

清班養望暫司綸誥之優
紫禁選賢即遣雲霄之上

班高事簡暫掌路鼓於端門
年除歲逸即持荷索於禁地

會計當而已矣暫屈長才
謀猷爾乃順之行躋法從

爵擅於上而無窮暫掌絲綸之密
爾有斯猷則入告行躋華索之聯

四轄

權貨務都茶場

權貨務掌折博斛斗金帛之屬四朝志
以朝官諸司使副內侍二人監太平興

國中以先平嶺南及交趾諸國入貢通關市議於京師
置權易院大中祥符中併入權貨務會要建炎中興又
創都茶場給賣茶引隨行在所於權貨務置場雖分兩
司而提轄監官並通御管幹建炎四年詔權貨務都茶

場依舊隸左右司其提領措置並罷其都茶場仍令提轄權貨務官兼行提轄尋徙越州一務場于建康又併真州一務場歸建康紹興五年詔建康鎮江兩務場只是給賣鈔引三十二年詔三省今後選差文臣充監更不差武臣乾道六年詔依舊通差武臣中興會要孝宗會要先是課入不立額惟視舊歲為等差是歲始分有定數歲總為錢二百四十萬萬行都受藏之所為數八十萬萬于建康者一百二十萬萬于鎮江者四十萬萬題名

皇朝事實條救弊之策

周益公集陳從古字希顏監行在權務都茶場丞相虞雍公問

君歲終出納幾何君曰國家利源齟齬若居多自合同闕子行遂虧常額丞相命君即都堂條救弊之策於是闕子罷而歲入增矣

出知鄜州

在京都事略薛向字師正監

旁引權務

白居易裴弘泰太府少卿制云頃分權務

權萬貨輕重

唐劉宴傳云能權萬

貨輕重使天下無甚貴賤而物常平

雜買務雜賣場

雜買務舊曰市買司至道中廢咸平中復置和市百物凡宮禁官物所需以時

供納雜賣場景德四年置掌受內外弊餘之物計直以待出貨或準折支用以四朝志會要纂

歷代事實司市

周禮官地京市隋司農寺統

三市

唐有東西南三市

平準

中準

和帝改平準為中準

平均

唐六典以二物平市以三賈均市

平市均

市

周禮司市掌市之治教政刑量度禁令以次序分地而經市以陳肆辨物而平市以政令禁物靡而均市

以商賈阜貨而行市

治其市政

周禮司市凡會同師役市司帥賈師而從治其市政掌其責債之事

遷有無和利用

六典太府總京都四市平準所以遷有無和利用

皇朝事實以廉白自將

朱晦菴集滿時字德時提轄雜買務雜賣場嚴禁防謹次第大

官要人無敢干以私皇城邏卒挾恃干紀公按致其罪不少貸人為危之然公以廉白自將其黨雖怨之卒無

以報無敢干以私上

見

未嘗售一物

呂東萊集東萊公家傳呂好問字舜從監

在京雜賣場正獻公公當國任事者以公親宰相孫澗其條約不以簿領累公公愈益自厲日夜治文書若有程

督之者時以樸素先天下四方貢獻一歸之有司斤賣以佐經費吏或下其估以自私公獨漠然如不見終秩

未嘗售

人以為國器

見下

論當世事皆大計

樓攻媿集趙粹中監

行在雜買務雜買場職在筦庫論當世事皆天下大計人咸望以為國器矣

左藏庫

掌受四方財賦之入以待邦國之經費其原蓋

出則外府又主之皆其職也晉始置左右藏令唐于左

右藏分建東西庫

以太府少卿知出納於左長慶門之

東國初左藏止

一庫置使領焉題名太平興國分為二

庫淳化左右藏各

二庫四年廢右併入左政和六年以

東西庫為名以

會要續會要纂中興因仍東西庫各以

文臣監武臣同

監其東幣帛絀之屬在焉其西金銀

泉券絲纈之屬

在焉紹興二十七年詔戶部于轄下承

簿內選一員兼

充左藏庫提轄官此提轄所由始孝宗

即位詔將御前

樁管激賞庫撥歸左藏庫以左藏南庫

為名專一樁管

應副軍期支遣於是有東西南三庫以

中興會要孝宗

會要脩尋罷南庫大抵國家用度多靡

於贍軍西蜀湖

廣江淮之賦類歸四總領所以餉諸邊

其送京者殆七

幾唯閩浙悉輸焉東西庫歲入以端計

者率百四十萬

以緡計者率二十萬給遣稱是而大軍

居十之七宮禁百司祿賜裁三之間有非泛浩繁之費則請於朝往往出內帑封樁以補所缺先是四轄官外補則為州內遷則寺監丞亦有徑為雜監司或入三館者乾道間權貨王裡除福建市舶左藏王揖除九路鑄錢淳熙間熊子復自文思除校書郎近歲望稍輕往往更遷六院官或出為添倅非曩日之比矣

歷代事實御府

謝

承後漢書內庫曰御府又東觀漢紀始至長安御府帑藏皆按堵如故

京藏

後魏王顯謂減百官之祿

楊固曰吾作太府卿庫藏充滿固曰及賊贖悉入京藏以此充府未足為

多天積

天積者天天也韓楊天

子藏府珠府晏公類要韓楊天文要文要集珠府集離珠為藏府在須女

北瓊林大盈

唐德宗

受藏之府

白集行裴武制受天下財

賦皆納

唐制天下府四時以

財賦皆納於左藏府而太貨幣山積數聞尚書比部復其出入

唐元宗召公卿百寮觀左藏庫貨幣山積不同諸司續通典狄蕪蕃對唐文宗封敕門不同諸司云

皇朝事實治藏

胡文恭行李緯制云特陞治藏之名

國帑

公是行曹佚制典司國帑

高

科滯莞庫

言行錄韓琦監左藏庫時方貴高科多徑去為館職公獨滯於莞庫衆以為非宜公處之

自若不以為卑冗職事未嘗苟且禁中須索金帛皆內臣直批聖旨下庫公奏天禧中嘗專置傳宣合同一司願復舊制詔從之舊有監秤內官一員綱運至必監秤始得交納內臣往往數日不至寶貨皆暴露廊廡遠方衙役苦於稽留公奏罷之灾陽州郡所輸物帛不如度者例猶追剥公請蠲之

召試直集賢

六

集程文簡琳監左藏庫天禧中詔選文學履行召試直集賢院

旁引掌邦之賦入

周禮職內掌邦之賦入辨其財用之物而執其總以貳官府都鄙之財入

之數以逆邦國之賦用凡受財者受其貳令而書之

文思院

太平興國三年置掌造金銀犀玉工巧之物金彩繪素裝鈿之飾以供輿輦冊寶法物及凡器

服之用隸少府監熙寧三年詔文思院兩界監官立定文臣一員武臣一員並朝廷選差其內侍勾當官並罷以四朝志會要云紹興三年詔少府監併歸文思院其上下界監官從工部辟差工部言所轄文思院舊分上下界監官三員內一員文臣係京朝官上界造作金銀珠玉下界造作銅鐵竹木雜料欲依舊分為上下界從之隆興三年詔併禮物局入文思院中興孝宗會要

羣書旁引百工咸理

記月令季春之月命工師令百工審五庫之量金鐵皮革筋角齒羽

箭幹脂膠丹漆毋或不良百工咸理監工効功按度程
日號毋悖于時毋或作為淫巧以蕩上心
上月令孟冬之月命工師効功陳祭器按度程毋或作
為淫巧以蕩上心必功致為上注工師工官之長也効
功錄見百工所作器物也

四六警語

工正

明綸疏寵
文石升班

疏寵中宸
躋榮內轄

密贊十連夙高婉畫策勲製錦之邦
總司萬貨尤藉通材提綱離珠之府

少勞鞭算之長此成周職內之遺意
嗣渙絲綸之渥亦本朝淳化之舊規

聚百物於日中之市要在提綱
得一賢制天下之財允符遴選

惟司帑有東西之分
故設官兼文武而致

凡曰金刀布帛之制欲斂散之有常
惟知本末源流之儒信出入而無悖

謂工事皆聖所作允為提綱
宜先生自此而升又將出緯

京局官

封樁庫

國朝乾隆二年置封樁庫太宗改為景福內庫

法非奉親非軍需不支淳熙末往往以犒軍或造軍器
為名撥入內庫十三年庫中所儲金至八十萬兩銀一
百八十萬餘兩又有糴米并度牒錢而下庫復儲見縉
常五六百萬朝野雜記左藏南庫者本御前樁管激賞
庫也紹興休兵後泰檜取戶部窠名之可必者盡入此
庫戶部告乏則予之檜死屬之御前由是金幣山積黃
通老為禮部侍郎建言請歸之左藏及孝宗受禪袁伯
誠在諫院復以為言上嘉納之遂改為左藏南庫焉淳

熙末始併歸戶部紹興元年又改
稱封樁下庫仍隸戶部焉並上

提領贍軍所

紹興八年十一月戶部尚書章誼請置贍
軍酒庫於行在命司農寺丞蓋諒主之賜

浙東總制錢五萬緡為釀本其
後歲收息錢五十萬緡九年錄

皇朝事實兼檢討官

周益公集陳居仁字安行監贍軍
酒庫所糴場隆興改元脩高宗聖

政兼檢討官
蓋異選焉

編估打套局

紹興年間從戶部新請三路發到市舶香
藥藏雜物左藏東西庫權貨務交納外其

編估職事乞除委左藏庫監門官一員兼其打套職事
委太府寺丞引庫監官兼八年專置打套局監官一員
以右迪功郎范仲由充從戶侍李彌遜請也九年置編
估官一員十一年移編估打套局出左藏庫之外南倉

之北置
局會要

太平惠民局

神宗朝設太醫局發藥所於京師崇寧中增置七局揭以和劑惠民之名脩製給賣

各有攸司和劑局方叙添置太府丞一員提點後廢續
會要紹興六年置藥局以行在太醫局熱藥東西南北
四所為名內將藥局一所以和劑為名從戶侍王侯之
請也詔和劑局置監官文武各一員差京朝官與大使
臣十八年依在京改作
太平惠民局中興會要

皇朝事實擢檢討官

周益公集范文穆公成大監行在
太平惠民和劑局堂吏丐藥不獲

以朝旨下所隸太府寺蒐細故杖吏逞憾公白戶部侍
郎汪公應辰杖大府吏已能大其官矣壽皇類編高宗
聖政以公為檢討官又兼敕令所
近世局務無修書者人以公為直救民疾苦續會要政
和四年尚

書省言脩合藥所在賣藥所蓋本周官醫師救萬民之疾苦今只以都城四壁并商稅院東出賣發藥名之甚非創置惠民之甚矧
今局事不隸太醫

御前軍器所

元豐官制置軍器監以掌戎器之政令又有御前軍器所其役兵有萬全軍匠東西

作坊工匠舊軍器所得專達建炎中嘗以大閭董懋提舉未踰年即罷之紹興五年始隸工部朝野雜記十一年臣寮奏軍器所隸工部當隸臺察從之中興會要後復以中人典領其調度程品軍器監有不得預聞者三十年黃通老為侍郎為上言非祖宗建官正名之意請得領屬稽考之詔依條檢察孝宗受禪增置提點官一員以內省都知李綽為之改稱提舉又七日詔御前軍器所專隸提舉其隸工部等指揮勿行張真父時為御史力論其不然上乃命仍隸朝野雜記舊有提點官今同舊有提轄官六員今一員幹辦官二員今一員監

造官六員今二員受給官二員今一員監門官二員今一員中興會要

車輅院

國朝車輅院舊不載神宗正名廢羣牧司供乘輿法物則歸車輅院有監官三員一員內侍一

員文臣京朝官一員武臣建炎三年罷紹興十二年因前東京車輅院人主王道陳乞遂詔車輅院官吏依舊例減半差中興會要

歷代事實典路

周官有典路

車正

通典夏后氏因鸞車而制車正奚仲建旂

尊卑上下各有等級

司輅之職

周禮巾車氏掌王五輅有王金象革木之制至秦惟乘金根車漢承

秦制以為乘輿晉武帝始備五輅令掌為天子法車後周設六官置司輅之職皇帝之輅十有二等云云

旗物

周禮巾車氏掌公車之政令辨其用與其旗物而等叙之以治其出入之五路

馬驥院國朝舊有天廄雍正中以天廄改為左右驥驥院隆平康掌司國馬景德中始增置羣牧使副

都監判官以領廄牧之政官制行廢羣牧使供乘興法物則歸車輅院養國馬則歸左右驥驥院天駟監而總

於太僕寺馬續會要

歷代事實典廄

六典唐有典廄令

掌天驥之閑

李文銳集左神策劉公神道碑

云飛龍掌天驥之閑

皇朝事實天廄

見官制

掌司國馬

見官制

旁引掌牧地政令

周禮牧師掌牧地皆有厲禁而頒之孟春焚牧中春通淫掌其政令

省倉

紹興三年行在省倉內鎮城倉改為行在北倉舊係仁和係臨安府州倉仁和倉改為行在北倉舊係仁和

縣地基上修蓋監官四員並兼管幹和糴十一年詔行
在三倉以行在省倉上中下界為名監官監行在省倉
上中下倉界繫
銜中興會要

歷代事實天囷

石氏星經天倉六星在婁南倉穀所藏
南三星天庾積厨粟之所天囷十三星

國倉廩之屬
主御糧也

國廩

唐大詔令策問國廩
軍蓄乏九年之儲

典廩

隋百官志
北齊司農

寺掌倉正統太倉隋
司農寺統太倉典廩

皇朝事實掌庾

祥符九年夏四月戊寅詔京師官年六
十已上勿差監在京諸倉時國子博士

雅文載年六十五受敕上言求免上曰京倉自受納至
給畢殆六七歲此輩一任則老於掌庾矣因著式焉續

通鑑中都儲積
長編中都儲積要云

服勞廩委

公是行
劉誥制

記姓名

石林燕
語梁莊

肅公通景祐中監在京倉南郊赦錄朱全忠之後莊肅
上疏罷之曰全忠叛臣也何以為勸仁宗善之擢審刑
院詳議官記其姓名
禁中自是遂見擢用

豐儲庫

紹興二十六年戶部尚書韓仲通乞以上供米
所餘之數歲椿一百萬石別廩置之遇水旱則

助軍糧及減少糶號
豐儲倉詔從之小歷

皇朝事實掌九穀廩藏

招宗正史職官志總倉二十有
五掌九穀廩藏之事以給官兵

祿食
之用餘見省倉行

交引庫

交引庫隸太府寺掌給印
出納交引錢之事會要

草料場

哲宗正史職官志草料場十有
二掌京畿芻秣以給內外飼餼

歷代事實秣馬之司

續通典乾元元年李輔國奏秣馬之司事資草料

樓店務事實論朝廷大事

歐陽六一集蘇聖欽監在京樓店務官京師位雖卑數上

疏論朝廷大事敢道人之所難言
范文正薦之召試得集賢校理

論正心擇賢

長編仁宗寶元

間以災異下詔求直言監在京樓店務蘇舜欽詣軌通疏條二事一曰正心二曰擇賢

排岸司

國初開封府置排岸東西南北二司掌諸路網船輪納及糧運至京師分定諸倉交卸領各處

裝卸役卒指揮以卸網牽駕以京朝官充人或一人所責主轄得雜般舟船催驅卸納網稍國朝會要政和

六年浙西諸州各置排岸一員從兩浙運副應安道之請也四朝志紹興間知臨安府梁汝嘉請專置行在排

岸司又詔添文官一員七年詔行在建康府置文臣排岸司監官一員以行在排岸司為名二年為任係京官

中興
會要

皇朝事實
額促漕舸

胡文恭行
楊王制云

典司水運

哲宗正史
官志掌典司

水運舟船輸
納雇直之事

釐葦舟船

續會要應安道奏
排岸官專一
管幹津遣綱運并釐葦舟船

董引漕引之舸

胡文恭行
季師中制

翰苑新書前集卷三十一